

**Uunga siunnersuut: Qaffasinnerusumik ilinniartitaanerit pillugit Inatsisartut inatsisaat nr. xx, xx. xxx 2018-imeersoq**

*Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit saqqummiunneqartoq*

**Aamma**

**Uunga siunnersuut: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2018-imeersoq**

(Ingerlaqqilluni ilinniarnernik neqerooruteqartarneq pillugu aalajangersakkap atorunnaarsinneqarnera)

*Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumit saqqummiunneqartoq*

**Pillugit**

**ISUMALIUTISSIISUT**

**Kultureqarnerut, Ilinniartitaanermut, Ilisimatusarnermut Ilageeqarnermullu ataatsimiititaliamit saqqummiunneqartoq**

**Siunnersuutip aappassaanneernejarnerani saqqummiunneqartoq**

Kultureqarnerut, Ilinniartitaanermut, Ilisimatusarnermut Ilageeqarnermullu ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Doris J. Jensen, Siumut, Siulittaasoq

Inatsisartunut ilaasortaq Mimi Karlsen, Inuit Ataqatigiit, Siulittaasup tullia

Inatsisartunut ilaasortaq Laura Táunâjik, Siumut

Inatsisartunut ilaasortaq Nivi Olsen, Demokraatit

Inatsisartunut ilaasortaq Sofia Geisler, Inuit Ataqatigiit

Ulloq 18. Oktober 2018 siunnersuutit siullermeernejarenerisa kingorna ataatsimiititaliamit suliarineqarsimapput.

## **1. Siunnersuutit imarisai siunertaalu**

### *1.1 UPA2019/200*

Ingerlaqqiffiusumik ilinniakkat neqeroorutit atuuttut siunissamilu neqeroorutaasinnaasut akimorlugit tunngaviusumik inatsiseqarnissaq Naalakkersuisunit kissaatigineqarpoq. Siunnersuut Ilisimatusarfik pillugu Inatsisartut inatsisaat nr. 19, 19. november 2007-imeersumi Kapitel 12-ip annertusillugu ingerlateqqinneqarneranik tunngaveqarpoq.

Ingerlaqqiffiusumik ilinniakkat suunerinik kiisalu kikkut qanorlu ingerlaqqiffiusumik ilinniarnernik neqerooruteqarsinnaanerinik imaqarpoq. Taamatuttaaq tamatuma ilinniakkat aaqqissugaanerisa malittarisassiunneqarnerinik siunnersuut imaqarpoq. Tamatumattaq saniatigut ingerlaqqiffiusumik ilinniakkat assigiinngitsut isumaat pillugit aalajangersakkanik ilinniakkap siunertaanik kiisalu ilinniakkat pitsaassusaasa qulakkeerneqarnissaani siunnersuut imaqarpoq. Ingerlaqqiffiusumik ilinniakkanut qinnuteqarnissamut malittarisassat, malittarisassanik tamatigoornerusunik aamma piffinni ilinniarnernut isersinnaanermut piumasaqaatinik. Taamatuttaaq ilinniakkanut tigusaanissamut piginnaasanullu piumaqaatit iluarsineqarnissaat siunnersuutigineqarluni. Bachelorinnngorniarluni ilinniarnissami pisussaaffiusumik ilinniagaqarluni nunani allaniissimanissaq Naalakkersuisut siunnersuutigaat. Ingerlaqqiffiusumik ilinniakkanut ilinniartitsisunut tunngatillugu piginnaasatigut pimasqaatit pillugit nalunaarusiortarnerup pisinnaatitaaffinngornissaa Naalakkersuisunit siunnersuutigineqarpoq. Naggasiullugu ilinniagaqarfiit ilinniartunik siunnersuisarnissamut siunnersuullu tunngavigalugu aalajangiisarnernut malittarisassanik siunnersuut imaqarpoq.

### *1.2. UPA2019/201*

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarnera pillugu siunnersuummi taamaallaat § 5, imm. 6-ip atorunnaarsinneqarnissaanik imaqarpoq. Tamanna UPA2019/200-p saqqummiunneqarnerata kinguneranik iluarsineruvoq.

## **2. Tusarniaanermi akissutit**

### *2.1 UPA2019/200*

Siunnersuummut nalinginnaasumik oqaaseqaatini imm. 8 naapertorlugu siunnersuut tusarniutigineqarsimavoq piffissami 27. November 2017-miit 2. januar 2018-mut. Inatsisissatut siunnersuutip taama annertutigisup juullikkuni tusarniutigineqarsimanera ataatsimiititaliamit naammaginnartinneqanngilaq. Siunissami tusarniaaffigineqartut, naak

juullikkuni sulinnigiffeqaraluartut, siunnersuutip imarisaanut kingunissaanullu iluamik isernissaannut Naalakkersuisunit periarfissaqartinneqarnissaat ataatsimiititaliamit kaammattuutigineqarpoq. Tamatumani tusarniaaffigineqartut ilaasa Naalakkersuisoqarfittut inatsisitigut piginnaasaqanngissinnaaneri eqqarsaatigalugit.

## 2.2 UPA2019/200

Siunnersuummut nalinginnaasumik oqaaseqaatini imm. 8 naapertorlugu siunnersuut tusarniutigineqarsimanngilaq. Tamatumunnga pissutaavoq Ingerlaqqiffiusumik ilinniakkat pillugit Inatsisartut inatsisaattut siunnersuutip misissoqqissaarneqarnerata siunnersuut kingunerimmagu. Inuussutissarsiutinik ilinniartitaanerit pillugit inatsimmi atuuttumi §5, imm. 6-mik atorunnaarsitsinermik siunnersuutaamat aammalu aalajangersagaq UPA2019/200-mut ilanngunneqarsimammat inatsisissatut siunnersuutip matuma tusarniutigineqarnissaa pisariaqanngitsoq Naalakkersuisut nalilersimavaat. Naliliineq tamanna ataatsimiititaliamit isumaqatigineqarpoq.

## 3. Apeqqutit

Ataatsimiititaliap siunnersuummik suliaqarnermut atatillugu Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq piumaffigisimavaa apeqqutitut arlalinnut akissuteqaqqullugu. Siunnersuut manna UPA2019/199-mut attuumassuteqarmat ataatsimiititaliamit aalajangiunneqarpoq siunnersuutitut taakkununga pingasunut apeqqutit ataatsikkut nassiunneqarnissaat. Ataatsimiititaliap apeqqutaasa Naalakkersuisullu akissuteqaataata assilineqarneri isumaliutissiisummut matumunnga **ilannugsaq 1 aamma 2-tut** ilanngunneqarsimapput. Ataatsimiititaliap ujartugaanut Naalakkersuisut akissuteqaataasa tamatigut tamakkiisuunnginnerat ataatsimiititaliamit paasineqarmat kiisalu ataatsimiinnerit arlaqartut kingunerinik ataatsimiititaliaq aalajangerpoq Naalakkersuisumut malitseqartitsissutaasunik apeqquteqassalluni, apeqqutit akissuteqaatillu **ilannugsaq 3-tut aamma 4-tut** ilanngunneqarput.

## 4. Ilisimatitseqatigiiffiusumik ataatsimiinnerit

Tusarniaanermut akissuteqaatit, siunnersuutip siullermeerneqarnera, ataatsimiititaliami oqallisigineqarnera kiisalu Naalakkersuisut akissuteqaataat tunngavigalugit ataatsimiititaliamit aalajangiunneqarpoq Ilisimatusarfik aamma inuussutissarsiutinik ilinniagaqarfii peqatigiiffiat

(KNII) ilisimatitsiffiusumik ataatsimiinnissamut immikkut aggersarneqarnissaat ataatsimiititaliamit aalajangiunneqarpoq. Takuuk **ilanngussaq 5 aamma 6**.

Ilisimatitsissutit isummersornerillu ataatsimiinnermi saqqummiunneqartut ataatsimiititaliap siunnersuummik suliaqarneranut ilanngunneqarput.

## 5. Siunersiunerit

Ataatsimiititaliap siunnersuummik suliaqarneranut atatillugu Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq ataatsimiititaliamit siunersiorneqarsimavoq. Siunersiuinissamut qaaqussisuttip aamma Naalakkersuisup oqaasiisa allattorsimaffiat isumaliutissiisummut matumunnga ilanngussaq **7-tut aamma 8-tut** ilanngunneqarput.

Siunersiunerit ilisimatitsissutigineqartut isummersuutillu ataatsimiititaliap siunnersuummik suliaqarneranut ilaatinneqarput.

## 6. UPA2019/200-p ataatsimiititaliamit suliarineqarnera

Aallaqqaasiullugu siunnersuuttip oqaaseqaataanik suliaqarnermi annertuumik suliaqarsimaneq ataatsimiititaliamit nersualaarneqassaaq. Oqaaseqaatit taakku siunnersuuttip imarisaanik, pineqartumut inatsimmik atuuttumik kiisalu inatsisissamik piareersaalluarnermik ersarissumik misissuisimanernik imaqarput.

Siunnersuuttip aappassanneerineqarneranut isumaliutissiisut immikkoortukkaarlugi suliarissallugu ataatsimiititaliamit aalajangiunneqarpoq. Immikkoortut taakku ataani allassimapput:

### 6.1 Bachelori – atorfinissutaasinnaasumik bachelori

Siunnersuuttip § 11, imm. 1-2-mi ima allassimasoqarpoq:

*§ 11. Bacheloritut ilinniagaq tassaavoq ilisimatusarnermik tunngaveqartumik piffissaq tamaat ilinniagaq minnerpaamik 180 ECTS-pointinik naleqartoq, ilinniakkatut immikkoortutut, naammassisassatut ingerlanneqartoq.*

*Imm. 2. Bacheloritut ilinniakkap siunertarai:*

- 1) *ilinniartup ilinniartitsissummi ataatsimi amerlanerniluunniit ilisimatusarnikkut sammisassanik ilinniartinneqarnissaa, tamatumunnga ilanngullugit ilinniartitsissutip imaluunniit ilinniartitsissutip teoriivi periusaalu, tassuunakkut ilinniartuq ilinniakkamut tunngatillugu tamatigoortumik ilisimasaqalerlunilu piginnaaneqaleqqullugulu,*
- 2) *ilinniartup ilinniakkami ilisimasassanik aamma teoretiskimik periutsitigullu piginnaasanik pisinnaasanilu pissarsitinnissaa, tassuunakkut ilinniartuq nammineerluni ilinniartitsissutip iluani imaluunniit ilinniartitsissutip iluanni apeqqutinik assigiinngisitaartunik katitikkanik suussusilersuisinnaaleqqullugu, oqaasertalersuisinnaaleqqullugu naammassinnissinnaaleqqullugulu, aamma*
- 3) *ilinniartup inuutissarsiutini suliasanik ingerlatsisinnaalernissaanut aamma kandidatitut ilinniakkami ilinnialernissaanut tunngavissinnissaa.*

Ilisimatusarfik pillugu inatsimmi atuuttumi § 2, imm 1-mi ilinniakkanik neqerooruteqartarneq pillugu ima aalajangiisoqarpoq<sup>1</sup>:

*§ 2. Ilisimatusarfiup ilinniarnert ilisimatusarnermik tunngaveqartut immikkoorlutik ingerlanneqartut tamakkiisumillu naammassineqarsinnaasut uku neqeroorutigisinnaavai:*

*1) Ilinniarnert qaffasinnerusut akunnattumik sivisussusillit:*

*a) Bacheloritut ilinniarneq 180 ECTS pointinik naleqartoq*

*b) Atorfinissutaasinnaasumik bacheloritut ilinniarneq 180 aamma 240 ECTS pointit akornannik naleqartoq*

*c) Diplomimik allagartartaarluni ilinniarneq 60 ECTS pointinik naleqartoq*

*2) Ilinniarnert ingerlaqqiffiusut:*

*a) Kandidatitut ilinniarneq 120 ECTS pointinik naleqartoq*

*b) Masteritut ilinniarneq 60 aamma 90 ECTS pointit akornannik naleqartoq*

*3) Ilisimatuutut ilinniarnert:*

*a) Ph.d-tut ilinniarneq 180 ECTS pointinik naleqartoq*

Oqaaseq "Bacheloritut ilinniarneq" siunnersuutikkut kisimi atuutissaaq. (taamaattorli ilinniakkat ullumikkut "professionsrettet bacheloruddannelser"tut taaneqartartut neqeroorutigineqarunnaartulli pineqanngillat.)

Oqaatsip "professionsrettet bacheloruddannelser" pisariaqannginneranik taamatuttaarlu kalallisuut aamma danskisut taamaallaat atorneqarneranik Naalakkersuisut isumaqarnerat annertuumik Ilisimatusarfimmit isumaqatigineqartoq ataatsimiititaliamit paasineqarpoq.

<sup>1</sup> Ilisimatusarfik pillugu Inatsisartut inatsisaat nr. 19 af 19. november 2007-meersoq

Paarlattuanilli, Kalaallit Nunaanni inuussutissarsiutinik ilinniagaqarfiit peqatigiiffiata (KNII) oqaatigisimavaa kissaatigalugu oqaatsip ”professionsrettet bachelor” atuutsinnarnissaanut periarfissaq atorummallugu. Periarfissap tamatuma peerneqarnissaanut soqutigisaqartut allat aamma eqqarsarnartoqartitsipput. Ilinniakkap pineqartup nalinginnaasumik paasineqartarneranut tunngassuteqartoq tamatumunnga tunngavigineqarpoq. Tamatuma saniatigut inuussutissarsiutitigut ilinniarfiit Danmarkimi suleqateqarneranut tamanna pitsaaquteqarpoq.

Oqaatsit ajornarunnaarsarneqarnissaanik kissaateqarneq ataatsimiititaliaq paasinnippoq, taamaattorli oqaatsimik tassannga atuisunik pisariaqartitsilluni oqaaseqartunut paasinninnini nalunaarutigalugu.

Tamanna tunuliaqutaralugu ataatsimiititaliap isumaqatigiittup aalajangiusimavaa, bacheloritut ilinniakkat 180-inik ECTS pointinik nalillit ”bacheloritut ilinniakkatut” taaneqartassasut. Peqatigisaanillu ataatsimiititaliap isumaqatigiittup ammaakkusuppa, siunnersuummi § 17, imm. 2, nr. 1 tunngavigalugu ilinniarfiit ataasiakkaat namminneq aalajangersinnaassagaat bacheloritut ilinnigaq 180 ECTS pointiniit 240 ECTS pointit angullugit nalillit ”inuussutissarsiutinut sammisumik bacheloritut” imaluunniit ”bacheloritut ilinniakkatut” taasassanerlugu. Ilinniarfiit ataasiakkaat taaguutit pineqartut pillugit sorleq pingaernerutissanerlugu pitsaaqutit pitsaannequtillu namminneq nalilersorsinnaasariaqaraat ataatsimiititaliamit isumaqarfigineqarput.

Siunnersuutip matuma pingajussaanneerneqarnissaanut Ataatsimiititaliap **isumaqatigiittup** Naalakkersuisut qinnuigai allannguutissatut siunnersuuteqaqqullugit, taamaaliornikkut oqaatsit ”bachelor” aamma ”inuussutissarsiutinut sammisumik bachelori” qulaani nassuiaatigineqartut ilinniagaqarfinit ataasiakkaanit atuinneqarsinnaaqqullugit.

Ataatsimiititaliap kissaataa Naalakkersuisut naammassissappassuk, Naalakkersuisut namminneq qanoq oqaasertaliinissaq aalajangissavaat. § 11 imm. 1, ima oqaasertalerneqarsinnaavoq:

*”§ 11. Bacheloritut ilinniarneq tassaavoq ilisimatusarneq tunngavigalugu piffissaq tamaat ilinniarfiusoq minnerpaamik 180 ECTS pointinik naleqartoq, namminersorfiusutut akunnaallisakkamik ilinniarfiusoq § 17, imm.2 nr. 1 tunngavigalugu bacheloritut ilinniagaalluni.*

*”inuussutissarsiutinut sammisumik bacheloritut” ilinniarneq tassaavoq ilisimatusarneq tunngavigalugu piffissaq tamaat ilinniarfiusoq minnerpaamik 180 ECTS pointiniit 240 ECTS pointinut naleqartoq, namminersorfiusutut akunnaallisakkamik ilinniarfiusoq § 17, imm. 2 nr. 1*

*tunngavigalugu inuussutissarsiutinut sammisumik bacheloritut  
ilinniagaalluni*

Tamatuma malitsigaa, oqaatsip “bacheloritut ilinniarneq” pisariaqartumik Bachelor imaluunniit inuussutissarsiutinut sammisumik bachelor –mut inatsisip allanneqarsimanerani tamarmi allannngortittariaqalernera. UPA2019/199-p allannngortinneqarnissaanik tamanna kinguneqarsinnaasoq ataatsimiititaliamit maluginiarneqarpoq.

*6.2 Nunani allani najugaqartarneq*

Siunnersuummi § 36-imi kalaallit nunaata avataani ilinniagaqarluni najugaqarnissamik piumasaaqammik malitseqarpoq:

*§ 36. Bacheloritut ilinniartut, tak. § 11, imm. 1, ilinniarnep ingerlanerani ilinniarnermiinnut atatillugu Kalaallit Nunaata avataani ilinniassapput, taamaattoq tak. § 41, imm. 1. Ilinniarnermut atatillugu nunami allamiinneq ima aqqissuunneqarsinnaavoq:*

*1) semesteritut ilivitsutut,*

*2) ilinniartitsissutini ataasiakkaani imaluunniit*

*3) piffissaq sungiusarluni suliffik ataaseq amerlanerilluunniit.*

*Imm. 2. Ilinniakkamut atatillugu nunami allamiinneq pillugu malittarisassat ilinniakkap pineqartup aqqissugaanerani aalajangersarneqassapput.*

*Imm. 3. Inatsisartut inatsisaat manna naapertorlugu qaffasinnerusumik ilinniakkanut allanut, ilinniarfiit ilinniarnermut atatillugu pinngitsoorani nunami allamiittarneq, tak. imm. 1, pillugu malittarisassanik aalajangersaasinnaapput, taamaattoq tak. § 41, imm. 2. Malittarisassat ilinniakkap pineqartup aqqissugaanerani ersissapput.*

*Imm. 4. Ilinniarfiit qinnuteqareernerimikkut imm. 1-imik aamma malittarisassanik imm. 3 naapertorlugu aalajangersarneqartunik saneqqutsisinnaapput, pissutsit immikkut ittut tamanna pisariaqartippassuk, tamatumunnga ilanngullugit ilaqutariinni pissutsit, peqqissutsimut tunngasumik pissutsit, ilinniarnermut tunngatillugu pissutsit, ilinniagaqarluni nunanit tamanit misilittagaqarneq assigisaaluunniit.*

*Imm. 5. Ilinniartut imm. 4 naapertorlugu immikkut akuerineqartut, ilinniarnep ingerlanissaanik allamik neqeroorfigineqassapput.*

Siunersiuinermi qulaani taaneqartumi nunani allani najugaqarnissaq imatut tunngavilersorjaa:

*”Ilisimatusarfik ataasiinnaq, aammalu nunatta avinngarusimanera kulturikkullu inissisimanera isiginiaraanni aarlerinaateqarpoq nunatsinni “ilinniagartuutut kulturi imminut mattuteqqasoq” ineriartorsinnaasoq, nunat tamalaat akornanni atugassarititaasut piumasagaatillu malinnagit. Piffissap ingerlanerani tamatuma kingunerisinnaavaa Ilisimatusarfiup “mattuteqqanera”. Ullumikkut periarfissaqarpoq Ilisimatusarfimmi allatsinnissaq aamma Ph.d.-mik angusaqarnissaq ilinniagartuunut avatangiisinik allanik misilittagaqarani. Nunani allani najugaqarneq ilinniagartuunngorniartunut ilinniakkani avatangiisinik ilinniarnerrillu ingerlanneranut misilittakkanik katersinissamut periarfissiisarput paasisimasagaqartitsilersarlutillu, nunat allat assigiinngitsunik aaqquussineqartut ilinniagartuutullu naleqartitanik peqartut. Taamaasillunilu siunertaavoq ilinniagartuunngorniartut nukittorsarnissaat inerisarnissaallu, aammalu nunatta avataaniit misilittagaqalernissaat, Kalaallit Nunaannut iluaqutaajumaartunik.*

*Tamatuumunnga oqaatigineqassaaq immikkut akuersissuteqarsinnaanermut aalajangersakkamik ilanngussisoqarmat, pissutsinik immikkut ittunik atugassaqaarsinnaammat, ilinniagartuunngorniartup Kalaallit Nunaanni qimatsisinnaannginneranut pissutaasunik. [...]*

*Ajornartorsiummut ilinniartunut inissiat eqqarsaatigalugit ilinniagaqartunut nunatta avataaneersunut atatillugu eqqaaneqassaaq tamanna isiginiarneqaarsimammat ilinniartut ineqarfii pillugit Inatsisartut inatsisissaattut siunnersuummi, naatsorsuutigineqartumi UKA2019-imi saqqummiunneqartussat. Aammali ileqqoqarpoq aaqquussamik tikeraatut ilinniagaqartunut ilinniartutut inissanik pissarsiortarnermut atatillugu.*

Ilinniakkani neqeroortigineqartuni pitsaassutsimut isigineqarnermullu aamma ilisimatusarnermut Ilimmarfimmit ingerlanneqartumut pingaaruteqarluinnarpoq “ilinniagartuutut kulturimik matoqqasumik” pilersitsinnginnissaq. Aalajangersagaq tamanna pillugu ataatsimiititaliamit maluginiarneqarpoq (inuussutissarsiutit tunngavigalugit) Bacheloritut ilinniarnerrit tamarmik ilanngunneqassammata – Ilisimatusarfik kisiat pinnani. Ilisimatusarfiup inuussutissarsiornermut ilinniartutulli ilinniartunik ilinniarnermi nalaani nunani allani najugaqarallarnissaanik kaammattuinnissaq pingaartikkaa ataatsimiititaliamit paasineqarpoq. Bacheloritut ilinniartut assigiinngitsunut tamanut aningaasatigut ulluinnarnilu kinguneritinneqartussat Naalakkersuisunit eqqarsaatigineqaarsimangitsoq ataatsimiititaliamit maluginiarneqarpoq. Taamaalillugu KNII-p ilisimatitsissutigaa assersuutigalugu perorsaasutut ilinniartut tamarmik nunani allani najugaqarallassappata immikkut akuersissuteqarnissaq



pisariaqalersinnaammat, taakku Kalaallit Nuunaanni perorsaasutut ilinniarnissartik qinikkajuttarmassuk.

Inatsit akuerineqartinnagu ersarissumik paasinarsarneqareersimasoq ilinniariaatsit ilaasa nunani allani ilinniagaqarnermiit kalaallit nunaanni ilinniagaqarnissaq pingaarnerutinneqartartoq ataatsimiititaliamit pissusissamisoortutut isigineqanngilaq. Tamatuma sanitigut ataatsimiititaliamit ersissutigineqarsinnaavoq, nunani allani najugaqarnissamat piunasaqaatit piviusorsiuungitsut naammassiniarneqarnerisa aamma immikkut akuerineqarnissamik qinnuteqarnerit ima isumaqarsinnaammata bacheloritut ilinniarniarlutik qinnuteqartussaagaluit ilinniakkamik allamik qinersisut.

Nunani allani najugaqarnissamat piunasaqaatip naleqassusaa pingaaruteqartoq ataatsimiititaliamit tapersorneqarumavoq. Peqatigisaanilli piunasaqaatip naammassiniarneqarnerani unammilligassanut nalinginnaasunut atatillugu oqimaatigiinnngissinnaanerata eqqarsaatigineqarnissaa kissaatigineqarpoq.

Siunnersuutip matuma pingajussaanneerneqarnisaanut Naalakkersuisut allannguutissatut siunnersuummik saqqummiusseqqullugit ataatsimiititaliap **isumaqatigiittup** qinnuigai, taamaaliornikkut ilinniagaqarluni Kalaallit Nunaata avataani najugaqarnissamat piunasaqaatip kandidatitut ilinniagaqarnermut atuuttussanngorlugu.

Ilinniakkanut allanut atatillugu nunani allani najugaqarallartarnermut periarfissat pioreersut allannguutissatut siunnersuutikkut matumuuna ataatimiititaliap kigaallassarumangilaa akornusersorumanaguluunniit.

### *6.3 Ilinniagassanik aaqqissuussinerit akuerineqarnissaat*

Ilinniagassanik aaqqissuussinerit akuerineqarnissaat pillugu siunnersuutip § 17, imm. 1-mi ima allassimasoqarpoq:

§ 17. Inatsisartut inatsisaata matuma sinaakkusiussaasa iluanni, ilinniarfiit ilinniakkat pillugit malittarisassat erseqqinnerusut aalajangersassavaat, ilinniakkani tamani ilinniakkap aaqqissugaanerata allaaserineratigut, ph-d-tut ilinniagaq kisiat pinnagu. **Ilinniakkat aaqqissugaaneri aamma kingusinnerusukkat taakkunani allannguutit annertunerusut Naalakkersuisunit akuersissutigineqassapput.**  
(Ataatsimiititaliap erseqqissaanera)

Tamatumunnga atatillugu siunnersuineri Naalakkersuisoq ima ilisimatitsivoq:

*”Ilinniagassannik aaqqissuussineq malunnaatilimmik allannguuteqartinneqarpat, assersuutigalugu ilinniakkamut isernissamut piumasaqaatini, imaluunniit ilinniagaqartup ilinniakkamik naammassiguni piginnaanerisassaani, taava tamanna Ilisimatusarfiup avataani kinguneqarsinnaavoq. Naalackersuisut kissaatiginngilaat ilinniagassannik aaqqissuussinerit naalackersuinikkut aqunneqarnissaat, kisiannili siunnersuutikkut taamaallaat qularnaarniarlugu ilinniagassannik aaqqissuussinernik allannguinerit ilinniakkami tiguneqartarnermi allannguinerit kinguneqassanngitsut, imaluunniit kandidatitut naammassisut piginnaanerini allannguissanngitsut, tamanna Ilisimatusarfinnit naliliivigineqanngitsumik.”*

(Ataatsimiititaliap erseqqissaanera)

Ilinniartitaanermik aaqqissuussinerit naalackersuinikkut aqunneqannginnissaannik Naalackersuisut kissaateqarnerat paarlattuanilli ilinniagaqarfiit aaqqissuunneqarnissaannik kissaateqartoqarnera ataatsimiititaliamit pitsaasutut isigineqarpoq. Nunatsinni ilinniagaqarfiit naalackersuinikkut akuliuffigineqartartut pasillerfigineqannginnissaat ataatsimiititaliamit pingaartinneqarpoq. Taamaattorli ilinniartitseriaatsip ataqatigiissup ingerlaqqiffiusumik ilinniarfinni ilinniakkaminnik naammassinnittut pitsaanerpamik angusaqarfiusut qulakkeerneqarnissaannik kissaateqarnek ataatsimiititaliamit paasineqarpoq.

Inuussutissariutigalugu ilinniarfinni ilinniartitaanikkut aaqqissuussinerit inatsisit atuuttut tunngavigalugit Naalackersuisut akuerisaraat ataatsimiititaliamit ilisimaneqarpoq. Neqerooruteqartoq apeqqutaatinnagu ingerlaqqiffiusumik ilinniagaqarfiit assigiimmik malittarisassiuunneqarnissat Naalackersuisunit kissaatigineqartoq ataatsimiititaliamit paasineqarpoq.

Siunnersuutip matuma pingajussaanneerneqarnisaanut Naalackersuisut allannguutissat siunnersuummik saqqummiusseqqullugit ataatsimiititaliap **isumaqatigiittup** qinnuigai, taamaaliornikkut akuersisinnaanermut piginnaatitsineq taaneqartoq ilinniagaqarfinnut inissinneqarniassammat. Ilinniagaqartut pillugit aaqqissuussaaneq pillugu tusarniaaneq aalajangiisuutinngikkaluarlugu Naalackersuisut tusarniaasimanerat tamatumunnga atatillugu ataatsimiititaliamit pitsaasutut isigineqarpoq. Tamatumunnga atatillugu ataatsimiititaliamit Naalackersuisut kaammattorneqassapput ilinniartut pillugit aaqqissuussinerit tusarniutigineqarnerani sukkasuumik sullissinissaq salliutinneqaqqullugu, taamaaliornikkut ingerlaqqiffiusumik ilinniagaqarfiit ineriartornerat pisariaqanngitsumik kigaallassaqqunagu imaluunniit allannguutit uteqattaqqunagit.

6.4 *Ilinniartitaanermut akitsuut – fagit ataasiakkaat aamma faginut aalajangersimasunut sammivilimmik pikkorissartitsinerit*

Siunnersuutip § 5, imm. 1-2-a tunngavigalugu pissutsinut assigiinngitsunut atatillugu ilinniagaqarfiit iliniartitaanermut akitsuusiisinaatitaapput:

*§ 5. Ilinniarfiit qaffasinnerusumik ilinniakkanit neqeroorutaasunit, ilinniartitsissutinik ataasiakkaanik aamma ilinniartitsissutinut aalajangersimasunut tunngatillugu pikkorissartitsinernik, Inatsisartut inatsisaat manna naapertorlugu neqeroorutaasunik, neqerooruteqarsinnaapput, taamaallaat ph.d.-tut ilinniagaq pinnagu.*

*Imm. 2. Ilinniartitsissutini ataasiakkaani aamma ilinniartitsissutinut aalajangersimasunut tunngatillugu pikkorissarnernut peqataanermi, ilinniartinneqarnermut **akiliuteqartoqarnissaa** **ilinniarfiit piumasarisinnaavaat.***

Siunnersuutip § 5, imm. 2-ani ima allassimasoqarpoq:

*Imm. 2-mut Aalajangersakkap matuma ilinniarfiit periarfissippai ilinniartitsissutini pikkorissarnernilu ilinniartitsissutinut tunngasuni imm. 1-imi eqqaaneqartuni peqataanermut ilinniarnermut akiliummik akiligassiinissaanut.*

Aalajangersakkamut atatillugu siuinersiuinermi Naalakkersuisut ima ilisimatitsipput:

*”Assersuutigalugu inissanik inuttaqanngitsunik fagini peqarpat ilinniakkani pilersinneqareersuni, taava ilinniarfiup fagit taakkua neqeroorutigisinnaavai ilinniartitaanermullu akitsuummik tamatumunnga akiligassiilluni. Tamatuma pissusissamisoortutut isigineqarneranut tunuliaqutaavoq ilinniartitaanermut akiliuteqartitsisoqarsinnaammat, inuit ilinniagaqareersimasut, taanna inuiaqatigiinnut akilersissimallugu ilinniagaqarnerisuteqarlutillu, ilinniakkamik ingerlatseqqinnissamut akiliuteqartinneqarsinnaasariaqarmata ilinniagaqaaqqinnissami ilinniakkami kissaatigisaminni. Nunatta karsiata ilinniagaq ataaseq akilereersimavaa, taakkualu suliffeqareersuusarput, imminnullu pilersorsinnaallutik.*

*Kiisalu faginut ataasiakkaanut atatillugu ilinniarnertuunngorniarfimmi ilinniagaqarnermi piunasaqaataavoq, Ilinniarnertuunngorniarfimmi ilinniartitsissutit ataasiakkaat, ilassutitut ilinniarnernit imminnullu ilinniartittarneq pillugit Namminersorlutik Oqartussat nalunaarutaat nr. 27, 17. november 2016-imeersumi § 77, imm. 3 naapertorlugu, tassani ersimmat:*

*“Ilinniartooq ilinniagaqarnissamik siunnerfeqarani ilinniartitsissutinik ataasiakkaanik ilassutitullu ilinniagassanik piginnaangorsaataasumik ilinniagaqarusukkuni nammineerluni ilinniarnerninut akiliuteqassaaq.”*  
*Tamatumalu saniatigut eqqaaneqarsinnaavoq ilinniarfiit pisinnaatitaammata ingerlatsisinnaanermut isertitsissutaasartunik suliaqarnertigut, Iisimatusarfiullu neqeroorutigereermagit ilinniakkat akiliuteqarnikkut ingerlanneqartartut, assersuutigalugu HD-mi immikkoortut aappaat, taamaattumillu akiliuteqartitsisarnikkut nammineq ingerlatsisarneq eqqumiitsortaqarani.”*

Inatsisip aalangersagaani, tamatumunnga oqaaseqaatini imaluunniit siuinersiuinermi akitsuutip pineqartup annertussusaata aalajangersarneqarnissanut atatillugu erseqqissumik piunasaqaateqartoqarsimanngitsoq taamaalillugu ataatsimiititaliamit paasineqarpoq. Tamanna tunngavigalugu aalajangersagaq taamatut isikkoqartillugu ataatsimiititaliamit tapersorsorneqarnissaa kissaatigineqanngilaq. Tamatumani inunnut ataasiakkaanut aningaasatigut kingunerisassai naammaginatsumik allassimaneqarsorinanngimmata.

Siunnersuutip matuma pingajussaanneeraneqarnisaanut Naalakkersuisut allannguutissatut siunnersuummik saqqummiusseqqullugit ataatsimiititaliap **isumaqatigiittup** qinnuigai, taamaaliornikkut ilinniartitaanermut akitsuutinik akiligassiisarneq peerneqarluni.

Naak kaammattuigaluarluni aalajangiinermi tunngaviit erseqqissarlugit allannguutissatut siunnersuutaasinnaasumik ataatsimiititaliaq suliaqarsinnaavoq aammalu Ilinniartitaanermut akitsuutip nalilersorneqarsinnaanera ilanngullugu. Tamatumunnga atatillugu ataatsimiititaliamit erseqqissaatigineqassaaq Iisimatusarfimmi fagikkaartumik imaluunniit fagit ataasiakkaarlugit neqerooruteqartarnermi aningaasartuutit **annerusut** matussuserneqarnissaat paasisimaneqarmat.

### *6.5 Ilinniagaqarfiusuni ilinniartitsisut piginnaasaat*

Ilinniagaqarfiusuni ilinniartitsisut piginnaasaannut siunnersuummi pineqartunut § 37-imi ima allassimasoqarpoq:

*§ 37. Naalakkersuisut Inatsisartut inatsisaat manna naapertorlugu qaffasinnerusumik ilinniakkani ilinniartitsisut piginnaasaqarnissaannik piunasaqaatit pillugit malittarisassat aalajangersassavaat.*

Aalajangersakkamut oqaaseqaatini ima allassimasoqarpoq:

*”Imm. 1-imut Aalajangersakkami aalajangiunneqarpoq Naalakkersuisut malittarisassiussasut piginnaanernut ilinniartitsisunut qaffasinnerusumik ilinniakkani ilinniartitsisusunut piumasaqaataasunut tunngatillugu.*

*Siunertamut naapertuuttut isigineqarpoq Naalakkersuisut malittarisassanik nalunaarutikkut aalajangersaanissaat. Taamaaliornikkut malittarisassat*

*allanngortikkuminarnerullutillu naleqqussaruminarnerussapput, ilinniakkani nalinginnaasumik qaffasissutsit annertusiartornerat ilutigalugu. Malittarisassatigut qularnaarneqassaaq ingerlaavartumik*

*ilinniartitsisut ilinniarsimassusaasa ineriartortinneqarnissaat, peqataassallutillu qularnaarinissami ilinniartitsinermi piginnaasatigut qaffasissumik ingerlatsisoqarnissaanik.*

***Piffissap ingerlanerani anguniagaavoq qaffasinnerusumik ilinniakkani ilinniartitsisut amerlanerpaat ph.d.-tut ilinniagaqartuunissaat.***

*Malittarisassat ilinniakkanut piumasaqaatinik imaqassapput, piginnaanngorsarsinnaanermut periarfissanik imaqassallutik, ilinniaqqissinnaanermik il.il. Malittarisassat assigiinngiiaarsinnaapput*

*apeqqutaatillugu ilinniakkat pineqartut Ilisimatusarfimmi imaluunniit qitiusumik ilinniarfinni inuutissarsiutinilluunniit ilinniarfinni neqeroorutigineqatarnersut. Malittarisassallu ilanngullugu*

*isumannaassavaat pineqarnersut inuit piffissaq tamaat ilinniartitsisarnersut, imaluunniit sulinermik ilaatut piffissap annikinnerusup iluani taamaallaat*

*ilinniartitsinermik ingerlatsisartuunersut, assersuutigalugit ilinniartitsisusartut*

*avataaneersut, ilinniartitsissutinik ataasiakkaaginnarnik imaluunniit nal. ak. ataasiakkaaginnarnik ilinniartitsisartut.”*

(Ataatsimiititaliap erseqqissaanera)

Ilinniakkanut attuumassuteqartunut sapinngisamik pitsaanerpaamik angusaqarnissamik siunertaqarnek ataatsimiititaliamit tapersersornartinneqarpoq. Ilinniagaqarfik apeqqutaalluni nalunaarutitigut piumasaqaatit annertussusaat assigiinngissinnaasoq oqaaseqaatini allassimammat ataatsimiititaliamit maluginiarneqarpoq. Ingerlaqqiffiusuni ilinniagaqarfimmi ilinniartitsisut amerlanersaasa ph.d.-tut ilinniagaqarsimanissaannik Naalakkersuisut anguniagaqarnerata ilinniakkat imaluunniit iliniarfiit ilaannaannut atuuttussatut ataatsimiititaliamit paasineqarpoq. Inuussutissarsiutitigut ilinniarfinni ilinniartitsisut ph.d.-tut ilinniarsimanissaannik piumasaqaat atuutissanngitsoq KNII-mit ataatsimiititaliamut erseqqissarneqarpoq. Tamanna ilinniakkanut tunngatillugu Kalaallit Nunaanni nunarsuarnioqataanermilu ph.d.-tut ilinniarsimasut pissarsiarineqarsinnaaneri killeqarmata. Tamatumuunattaq ataatsimiititaliamit naqissuserneqassaaq malittarisassat aalajangersakkap

anguniagaani tamakkiisumik ilaannakortumilluunniit peqataatitsisinnaangitsut atuutsikuminaatsutut nalilerneqarmata.

### *6.6 Aalajangersakkat sinneruttut*

Siunnersuutip aalajangersagaanut sinneruttunut tunngatillugu, siunnersuutigineqartutut erseqqissaassutitut, allannguutitut ingerlatitseqqinnernullu ataatsimiititaliaq tapersersuivoq. Aalajangersakkanut sinneruttunut tunngatillugu tusarniaaffigineqartunit oqaaseqaatitut kiisalu Naalakkersuisut ataatsimiititaliap apeqqutaanut akissuteqaataannut tunngatillugu ataatsimiititaliamit maluginiarneqarsimapput (takuuk ilanngussaq 1-4). Siunnersuummi § 6 aamma 7-ani ilassutaasumik ilinniagaqarnissamut periarfissiineq ataatsimiititaliamit immikkut pitsaasutut isigineqarpoq. Taamaalillugu ataatsimiititaliamit neriuutigineqarpoq periarfissap tamatuma ilinniarnernik unitsitsiinnartarnernut pitsaaliuineritut sunniuteqarnissaanik.

Tamanna pillugu annertunerusumik oqaaseqassalluni ataatsimiititaliap pisariaqartissimanngilaa.

Siunnersuutip matuma pingajussaaneernejarnernut atatillugu allannguutissatut siunnersuummik qinnuteqarnerup malitsigissavaa, inatsisissatut siunnersuummut matumunnga kiisalu UPA2019/199-mut allannguutissatut siunnersuutit kingunerisaannik iluarsissuteqartoqartariaqarmat.

## **7. UPA2019/201-p ataatsimiititaliamit suliarineqarnera**

UPA019/201 UPA2019/200-p kingunerisaanik iluarsinerinnaammat siunnersuut pillugu ataatsimiititaliaq allatigut oqaasissaqarsorinngilaq.

## **8. Siunnersuutit aningaasatigut kingunissai**

### *8.1 UPA2019/200*

Siunnersuutip piviusunngortinneqarnerani aningaasatigut kingunissaritinneqartut siunnersuutip oqaaseqaataani nalinginnaasuni ilanngunneqarsimapput. immikkoortoq 7-mut oqaaseqaatini allassimasut saniatigut allatut naliliissalluni ataatsimiititaliaq pissutissaqarsorinngilaq.

## 8.2 UPA2019/201

Siunnersuutip piviusunngortinneqarnerani aningaasatigut kingunissaritinneqartut siunnersuutip oqaaseqaataani nalinginnaasuni ilanngunneqarsimapput. tamanna pillugu allatut naliliissalluni ataatsimiititaliaq pissutissaqarsorinngilaq.

## 9. Ataatsimiititaliap inassuteqaatai

### 9.1 FM2019/200

Ataatsimiititaliap allannguutissatut siunnersuutaasa Naalakkersuisunut malinneqarsimanerat naatsorsuutigalugu ataatsimiititaliamit **isumaqatigiittumit** siunnersuut **akuerineqassasoq** inassutigineqarpoq


Allannguutissatut siunnersuutitut kissaatigineqartut nalilersorneqarnissaat siunertaralugu siunnersuut pingajussaanneerneqartinnagu ataatsimiititaliamut suliassanngorteqqinneqassasoq ataatsimiititaliamit qinnutigineqarpoq.

### 9.2 UPA2019/201

Siunnersuutip UPA2019/200—mut attuumassuteqarnera tunngavigalugu kiisalu UPA2019/200—mut ataatsimiititaliap allannguutissatut siunnersuutaasa Naalakkersuisunut malinneqarsimanerat naatsorsuutigalugu ataatsimiititaliap **isumaqatigiittup** siunnersuut **akuerineqassasoq** ataatsimiititaliamit **isumaqatigiittumit** inassutigineqarpoq.

Allannguutissatut siunnersuutitut kissaatigineqartut nalilersorneqarnissaat siunertaralugu siunnersuut pingajussaanneerneqartinnagu ataatsimiititaliamut suliassanngorteqqinneqassasoq ataatsimiititaliamit qinnutigineqarpoq.

Taamatut oqaaseqarluni isumaliutissiissummilu allassimasutut paasinnilluni matumuuna ataatsimiititaliap siunnersuutit aappassaanniigassanngortippai




Doris J. Jensen

Siulittaasoq



Mimi Karlsen

Siulittaasup tullia




Laura Táunâjik

PVA.



Nivi Olsen



Sofia Geisler





Ilinniartitaanermut, Kultureqarnermut,  
Ilageeqarnermut Nunanullu Allanut  
Naalakkersuisoq  
[IKIN@nanoq.gl](mailto:IKIN@nanoq.gl)

Ulloq: 21-12-2018

J.nr.: 01.39.01.03-00199

### UKA2018/199, UKA2018/200 aamma UKA2018/201 pillugit allakkatigut apeqqutit

UKA2018/199, UKA2018/200 aamma UKA2018/201 suliarineqarneranut atatillugu ataani apeqqutit Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliamit akeqqullugit Naalakkersuisut qinnuigineqarput. Siunnersuutitut pingasunut ataatsimut ataatsimiititaliaq isumaliutissiisummik suliaqarsimanngikkaluartoq, inatsisissatut siunnersuutit pingasut imminnut ataqatigiinnerat pissutigalugu, taakkununga inatsisissatut siunnersuutitut pingasunut apeqqutit akissutillu katersorneqarsinnaasut ataatsimiititaliap nalilersimavaa.

Inatsisissatut siunnersuutitut pingasunut apeqqutit tullerit ataani allaqqapput.

### UKA2018/199

*Inatsisitigut killiffiit suliallu*

1. Ilisimatusarfik pillugu Inatsisartut inatsisaat nr. 19, 19. november 2007-imeersumik § 1, imm 2-mi allassimavoq, suleriaaseqarnissamik kiffaanngissuseqartoq<sup>1</sup>. Sooq inatsisissatut siunnersuutini suleriaaseqarnissamik kiffaanngissuseqarnek ilaajunnaarsimava?

Inatsisissatut siunnersuut § 8, imm. 3 allassimavoq:

*Ilaasortat avataaneersut Naalakkersuisut toqqartassavaat. Naalakkersuisut  
Ilisimatusarfimmit ilaasortassanik pituttuisuunngitsumik inassuteqaqqusinnaapput*

Imatut allassimavoq Ilisimatusarfik pillugu Inatsisartut inatsisaani § 11, imm. 2:

*Imm. 2. Naalakkersuisut toqqartassavaat avataanit ilaasortat Ilisimatusarfiup  
pituttuisuunngitsumik innersuussuteqarneratigut. Ilaasortat toqqarneqartassapput  
inuttut piginnaasaqarnerat tunngavigalugu ukiuni 4-ni ilaasortaasussanngortillugit.  
Toqqaanermi pingaartinneqassapput suliamut inuttullu pisinnaasat aamma  
suliffinnik kiisalu ilisimatusarnikkut ilinniartitaanikkullu avatangiiserisanik  
inerisaanermik misilittakkat, ajornanngippat nunarsuarmut tamarmut sammisut.  
Toqqagaaqqittoqarsinnaavoq.*

<sup>1</sup> Ilisimatusarfik pillugu Inatsisartut inatsisaat nr. 19, 19. november 2007-imeersaq

2. Naalakkersuisut siulersuisunut ilaasortassanik toqqaasarnerannut atatillugu ilisimatusarfiup pituttuinngitsumik inassuteqartarnera sooq Naalakkersuisunit pisariaqanngitsutut nalilerneqarpa?
3. Aalajangersakkap taaneqartup akuersissutigineqarneratigit ilisimatusarfiup naalakkersuinikkut pituttorsimannginnera toqqaannanngitsumik annikillisinneqarsinnaalersoq Naalakkersuisunit isumaqatigineqarpa? tassami siulersuisunut ilaasortanit aqqanilinnit ilaasortat arfinillit peqataasunit naalakkersuinikkut attuumassuteqanngitsunit isumasiueqqaaratik Naalakkersuisut toqqarsinnaalermatigit.
4. Ilisimatusarfiup siulersuisuini sulinerup naalakkersuinikkut pissutsinik toqqammaveqarneranik pasitsaassisoqalersinnaaneratigit ilisimatusarfiup nunat tamat akornanni isigineqarnerata ajoquserneqarsinnaaneranik isumakuluuteqarnermut Naalakkersuisut isumaqataappat?
5. Qanoq siulersuisunut ilaasortassanik toqqaasarnermi allannguutissatut kissaatigineqartup, ilisimatusarfimmi pituttorsimanngitsumi kiffaanngissuseqartumik ilisimatusarsinnaanermik kissaateqarnermut naapertuutsigineranik siuarsaatigineranillu nassuiaateqqaqullugit Naalakkersuisut qinnuigineqarput.
6. Nunani avannarlerni siulersuisunut ilaasortassanik toqqaasarnermut tunngatillugu assingusunik inatsiseqarneranik assersuutissaqarnerasoq Naalakkersuisunit paasissutissiissutigeqquneqarpoq. Taamaattoqarpallu taakku suuppat?

§ 8, imm. 1, nr. 1-imi saqqummerpoq siulersuisunut ilaasortanit avataanersunit arfiniliusunit pingasut Kalaallit Nunaanni najugaqartuusassaasut. Peqatigitillugu §8 imm. 7-imut nassuiaatini allassimasoqarpoq:

*"Siulittaasoq piffissami atuuffimmini Kalaallit Nunaanniit aallassaguni siulittaasuusinnaajunnaassaaq, siulittaasumillu nutaamik toqqaasoqartariaqarluni. Piffissami tassami ilaasortat avataaneersut arlaannaalluunniit Kalaallit Nunaanni najugaqanngippat, siulittaasoq siulersuisunit tunuassaaq Kalaallit nunaanniit nuunnermini, Naalakkersuisullu ilaasortassamik nutaamik toqqaassaapput, tak. § 9, imm. 4."*

7. Qulaani issuaaneq malillugu, ilaasortat toqqarneqarnermi najugaqartussaataitanermut piumasaqaatinik naammassinnittut toqqaareernermi siulersuinit tunuangukkaluarlutik kalaallit nunaanniit allamut nuussinnaatitaappat?
8. Siulersuisunut ilaasortat – assersuutigalugu ilisimatusarfimmi atorfirmiit tunuarnermi imaluunniit sulinngiffeqarallarnermi, ilinniarnermik unitsitsinermi il.il. qaqugu tunuartussaana Inatsisissatut siunnersuummi aalajangersakkani ersitunganngilaq, tamanna pillugu Naalakkersuisut nassuiaateqqaqullugit qinnuigineqarput.
9. § 9, imm. 2 malillugu siulersuisunut ilaasorta qoqqagaaffinni marlunni ilaasortaareersimasoq inississimavik nutaaq pissutigalugu toqqarneqqaqissinnaanngitsoq? (assersuutigalugu

ilinniartuusimasoq ilisimatusarfimmi atorfinittoq imaluunniit siusinnerusukkut ilaasortaasimasoq avataanersoq kingornalu atorfinittoq.)

- a. Sooq tamatuma pitsaasutut nalilerneqarnersoq tunngavilersoqqullugu Naalakkersuisut qinnuigineqarput, ilaatigut ilaasortaasinnaasut naapertuuttunik piginnaasallit ikinnerulernissaannik ilimagisaqarneq eqqarsaatigalugu.

§ 10, imm. 2, oqaaseqatigiit aappaanni erserpoq:

*Imm. 2 [...] Siulersuisut suliassaar, taakkualuunniit ilaat, siulersuisuugallartunit Naalakkersuisunit toqqarneqartunit piffissap ilaa isumagineqarsinnaapput.*

(ataatsimiititaliamit erseqqissaaserneqartoq)

10. "Piffissap ilaanik" piffissaq qanoq sivisutigisoq pineqarnersoq nalunaarutigeqqullugu Naalakkersuisut qinnuigineqarput.

11. Piffissaq siulersuisuugallartunut ilaasortaaffik piffissanut siulersuisunut ilaasortaasinnaaffinnut tamarmiusunut ilanngunneqarpa, tak. § 9, imm. 2?

§ 7, imm. 1-imi erserpoq, Naalakkersuisut ineriartortitsinermut siulersuisunut isumaqatigiissusiussasut. Tamanna ilaatigut Aningaasaqarnermut Naalakkersuisoqarfimmit oqaaseqarfigneqarpoq.

12. Qaqugu ineriartortitsinermut isumaqatigiissutip aallarnisarneqarnissaa naammassineqarnissaalu Naalakkersuisunit naatsorsuutigineqarpa?

13. Siulersuisunut ineriartortitsinissamik isumaqatigiissummi siullermi pissutsit suut siuarsarneqarnissaat Naalakkersuisunit siunertarineqarpa?

#### *Ilinniagaqarsimanissamik piumasaqaat*

Ataatsimiititaliaq isumaqarpoq, pisortap, pisortap tulliaa, ilinniakkanut ataasiakkaanut immikkoortortat pisortaasa kiisalu immikkoortortani pisortat ilinniagaqarsimanissaannik piumasaqaatitut siunnersuutigineqartoq naammassiniarlugu sulisussarsiomissamut toqqammavissat pillugit paasissutissanik naammattunik inatsisissatut siunnersuummut nassuiaatini nalinginnaasuni ersittoqanngitsoq.

14. Malittuaniittut pillugit kisitsisitigut paasissutissat ataatsimiititaliamit qinnutigineqarput:

- a. 1979-ip kingorna kalaallit ilinniartut qassit PH.D.-mik ilinniarnermik naammassisaqarsimappat?<sup>2</sup>
- b. Ilisimatusarfimmi ilinniarnermi bachelloorinngorniarnermiit Ph.D.-nngornissamut ilinniarnermut piffissaq agguaqatigiissillugu atugaq.
- c. Inuit Kalaallit Nunaanni imaluunniit qanittuani najugallit Ph.D.-imik ilinniagaqarsimasut apeqqutip nr. 15-ip ataani ilinniagaqarfiit iluanni
- d. Kalaallit Kandidatinngorsimasut, Ph.D.mik ilinniarnermut ingerlaqqittartut.

<sup>2</sup> Kalaallit Nunaannit ilinniagaqarnersiutinik assigisaatigulluunniit pisartagaqarneq imaluunniit Kalaallit Nunaanni ilinniarniarluni allatsissimaneq kalaallit nunaanni ilinniarninnut attuumassuteqartut pasineqassaaq.

- e. Piffissami 2012-2017-imi Danmarkimi Ph.D.-nngorniarnermik aallartissimasut, naammassisimasullu amerlassusaat
- f. Nunani avannarlerni allani kandidatinngorniat amerlassusaat, Ph.D.-nngomiarnermut ingerlaqqittut.

15. Ilisimatusarfimmi atorfiit akuerisat pillugit Naalakkersuisut qinnuigineqarput nassuiaqqullugit:

- g. Instituttip pisortai fagit malillugit
- h. Immikkoortuni aqutsisut fagit malillugit

Ilaatigut Ilisimatusarfiup saqqummiuppai tusarniaanerpup aappaata akissutaani 3.4-mi:

*"Ilisimatusarfiup annertuumik isumaqatigaa aqutsinermik misilittagaqarneq rektoritut, rektorip tulersortaatus aamma institutini immikkoortortaqaqfinnilu aqutsisutut atorfinni pingaartuusut. Kisianni tamanna qularnaarneqanngilaq ph.d-tut ilinniagaqartuunissaannik piumasaqaateqarnikkut. Ph.d-tut ilinniagaq imminnermini aqutsisutut piginnaaneqalersitsisanngilaq [...].*

*Ph.d.-mik piumasaqaat suliniutitsialaavoq, tassuunakkummi qularnaarneqarpoq pisortap ilisimatusarnermik ilisimasaqarnissaa. Taamaattoq tamanna tunngavigisariaqanngilaq, lektoritut naliliinerup atunngitsoornissaanut, tassami tamatumaa aammattaaq takutippaa ilisimatusarnermik ilisimasaqarneq.*

*Kisiani gradit arlaannaataaluunniit takutinngilaa ilumut pisortatut piginnaasaqartoqarnerisooq, taamaammallu aamma tamanna aqutsisutut atorfimmi atorfininnissamat piumasaqaatitut ilannguttariaqaralarpoq."*

Nalinginnaasuni oqaaseqaatini ersarissumik nassuiarneqarpasingilaaq manna, Naalakkersuisumit itisileqquneqarpoq:

- 16. Immikkoortuni aqutsisunut sooq aqutsisinnaanermik piginnaasat piumasaqaataanngillat?
- 17. Sooq lektorip naliliinera atorsinnaanngila, ilisimatusarnermi milittakkat qulakkeerniarlugit, soorlu Ilisimatusarfiup taamatut tikkuaraa?
- 18. Ukiunut 10-inut §34 imm. 2-imi immikkut malittarisassatut aalajangerneqarnera sumik toqqammaveqarpa?

*Ilinniagartuut siunnersuisoqatigiiffiat*

Ilinniagartuut siunnersuisoqatigiiffiata suliaanut atatillugu §14 imm.1 nr. 3-imi Ilisimatusarfik pillugu inatsimmi aalajangersagaavoq:

*3) Ilinniagassanik aaqqissuussinernut missingersuutit aamma ilinniakkani misileraalluni aaqqissuussinerit pillugit rektorimut oqaaseqartarlutik.*

Siunnersuummi § 15, imm. 2 nr. 4-imi erserpoq malitsigisaa Ilinniagartuut siunnersuisoqatigiiffiata suliassarigaa:

4) *ilinniakkanut aaqqissuussinernut misiligummillu aaqqissuussinernut siunnersuutit pillugit instituttini siunnersuisoqatigiit inassuteqareernerisigut rektorimut inassuteqaateqartarlutik,*

(Ataatsimiititaliap ersarissaanera)

Aalajangersakkap aalajangersakkami oqaaseqaatini erserpoq:

*"Ilinniakkat pillugit ilinniakkat aaqqissuussaananeranut misiligummillu aaqqissuussaananeranut siunnersuutit ilinniagartuut siunnersuisoqatigiivi instituttini siunnersuisoqatigiinnit inassuteqarfigineqareermik kingorna rektorimut akuerisassanngortitsillutik inassuteqartassapput. Taamatut iliornikkut ilinniakkat aaqqissugaanerisa ataqatigiissaagaasimanissaat, kinguneqarnerusumillu sunniuteqaqatigiittarnissaq qulakkeerneqassapput, rektorimit inaarutaasumik akuerineqartinnagit.*

***Ilinniakkat aaqqissuussaananerat tamatuma kingorna Naalackersuisunit akuerineqartassapput qaffasinnerusunik ilinniarnert pillugit Inatsisartut inatsisaat naapertorlugu, taamaattumik rektorip ilinniakkat aaqqissuussaananerit akuerinninnera ilinniartuup iluani akuersineruvoq"***

(Ataatsimiititaliap ersarissaanera)

Taamaasilluni siunnersuutigineqarpoq akuersissutiginninnermi marlunnik ilaneqarpoq ilinniagaqarnermut aaqqissuussinnermi inatsimmi atuuttumi ersippoq.

19. Tusarniaanermi akissutit arlallit tunngavigalugit, ataatsimiititaliap Naalackersuisut qinnuigissavai, tunngaviummik kingunerluutaasinnaasut isigeqqullugit, oqariartuutit nalinga, naalackersuinikkut tunngaviatigut ilinniagaqarneq akuersissutigineqartassappat.

20. § 18, imm. 2 kingunerissavaa, Ilinniagartuut siunnersuisoqatigiiffianni siusinnerusukkut toqqagaaffinni marlunni siusinnerusukkut ilaasortaasimasoq inassisimaneq nutaaq pissutigalugu toqqagaaqqissinnaanngitsaq? (assersuutigalugu siusinnerusukkut ilinniartoq, kingusinnerusukkut ilisimatusarfimmi atorfinittoq.)

a. Naalackersuisut qinnuigineqarput tunngavilersoqqullugu, sooq killilimmik toqqagaaqqinneq tulluurtut nalilerneqartoq, ilaatigut ilaasortat qinerneqarsinnaasut piginnaasallit killilerneqarnerat eqqarsaatigalugu.

*Institutip siunnersuisoqatigiivi*

§ 26, imm. 2 malillugu *Institutip siunnersuisoqatigiivini* siusinnerusukkut ilaasortaasimasoq qinigaqqissinnaanngilaq qanorluunniit sivistigisumik atorfeqarsimagaluaruni?

Taamaattoqassappat:

- a. Taava instituttimi minnerpaami sulisut qanoq sivistigisumik atorfeqassappat Institutip siunnersuisoqatigiivinut ilaasortaasimasut qinigaqqissinnaajunnaarnissaanut takuuk § 25, imm. 1 nr. 3 aamma 4?
- b. Sooq Naalackersuisut pisariaqarsoraat killilersuineq piffissami killiligaanngitsumi?

*Aningaasaqarneq aamma allaffissorneq*

Siunnersuutip § 29-ani ersepoq, Atorfinitsitsinerni atugassarititaasut pissutsillu sinneri, atorfeqarnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfilinnut atuuttunik malinninnissamut Iisimatusarfik pisussaaffeqarpoq.

21. Naalackersuisut nassuiaaqquneqarput, aalajangersagaq taanna Iisimatusarfiup sulisuinut qanoq sunniuteqassasoq maannakkut malittarisassanut atuuttunut perusaanullu sanilliullugu – Oqartussat ataanni Iisimatusarfiup imminut pigisutut suliffeqarfiunera eqqarsaatigalugu.
22. Iisimatusarfimmut taxameteri malillugu tapiisarnerup pisinnaangornissaanik siunnersuutini Naalackersuisut Kalaallit Nunaanni imaluunniit nunani allanit pitsaasunik misillitakkanik peqarpat?

**UKA2018/200**

§ 17, imm. 1 ersepoq:

*§ 17. Inatsisartut inatsisaata matuma sinaakkusiussaasa iluanni, ilinniarfiit ilinniakkat pillugit malittarisassat erseqqinnerusut aalajangersassavaat, ilinniakkani tamani ilinniakkap aqqissugaanerata allaaserineratigut, ph-d-tut ilinniagaq kisiat pinnagu. Ilinniakkat aqqissugaaneri aamma kingusinnerusukkut taakkunani allannguutit annertunerusut **Naalackersuisunit akuersissutigineqassapput.***

(Ataatsimiititaliap ersarissaanera)

Ilinniakkap aqqissugaanera pillugu inaarutaasumik aalajangerneq paasineqassaaq ilinniakkat pillugit malittarisassat akuerineqarneratut.

23. Iisimatusarfik pillugu aqqissuussineq isornartorsiorneqartoq ataatsimiititaliap ersarissumik paasivaa. Naalackersuisut qinnuigineqarput naasumik ersarissumillu nassuiaaqquneqarput, soq Naalackersuisut pisariaqarsorineraat, Ilinniakkat aqqissugaaneri naalackersuinikkut akuersissutigineqartassanersut? (inatsisissatut siunnersuummut nalinginnaasumik oqaaseqaatinut ilassutitut nassuiaat saqqummiuteqquneqarpoq. Akissut ilanngunneqarsinnaavoq apeqqu 19-imut akissummi.)
24. Naalackersuisut qinnuigineqarput ilisimatitsissutigeqqullugu, suut nunat allat ilinniakkat aqqissuussaananeranut assigisaanik inatsiseqarlutik naalackersuinikkut akuersisartut?

**UKA2018/199, 200 og 201**


Ilinniartoqarfiit annerusumik naalackersuinikkut kiffaanngissuseqarnerunissaasa qulakkeernissaat annerusumik oqallisigineqalersimavoq Nunat avannarliit sinneranni EU-milu.

25. Ilinniartoqarfiit naalackersuinikkut kiffaanngissuseqarnissaat Naalackersuisut isumaqatiginerlugu – taamaassappallu, qanoq ilillutik inatsisissatut siunnersuutit pingasut taassuma tungaanut qanoq sammippat?

Ataatsimiititaliap Naalackersuisut kalaallisut danskisullu akissutissat tiginissaat qilanaaraat. Akissutit qarasaasiakkut nassiuteqquneqarput uunga [ina@ina.gl](mailto:ina@ina.gl) assilineralu ataatsimiititaliap allattaanut nassiullugu uunga [rfr@ina.gl](mailto:rfr@ina.gl).

Kulturimut, Ilinniartitaanermut, Ilisimatusarnermut Ilageeqarnermullu Ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititaliamut siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliamut.

**UKA2018/199-imut, UKA2018/200-mut aamma UKA 2018/201-imut  
tunngatillugu allakkatigut apeqqutigineqartut akineqarnerat**

26-02-2019  
Suliap normua 2017 - 5069  
Allakkat nr. 9796821

Naalakkersuisut ataatsimiititaliap apeqqutigisaanut 21. december 2018-  
imeersunut qujapput, taakkulu matumuuna akineqassapput.

Postboks 1029  
3900 Nuuk  
Oqarsasuaat: +299 34 50 00  
Email: ikiin@nanoq.gl  
www.nanoq.gl

*1. Ilisimatusarfik pillugu Inatsisartut inatsisaanni § 1, imm. 2-mi allassimavoq,  
suleriaaseqarnissamik kiffaanngissuseqartoq Sooq inatsisissatut siunnersuutini  
suleriaaseqarnissamik kiffaanngissuseqarneq ilaajunnaarsimava?*

**Akissutit:**

Aallarniutigalugu erseqqissarneqassaaq ilisimatusarnissamut  
kiffaanngissuseqartoqarneq inatsisissatut siunnersuummi erseqqissumik  
takuneqarsinnaammat. Tamatuma saniatigut aalajangersakkamut nassuiaammi  
atuarneqarsinnaavoq suna pillugu suleriaaseqarnissamut kiffaanngissuseqarneq  
siunnersuummi ersikkunnaarsimanersoq. Tassani atuarneqarsinnaavoq:  
"Ilisimatusarfiup universititi sunik ilisimatusarfeqassanersoq nammineerluni  
aalajangiiffigisinnaangilaa. Aamma aalajangersakkani takuneqarsinnaangilaaq  
Ilisimatusarfik suleriaaseqarnissamut kiffaanngissuseqarnerneq, tassami tamanna  
immikkoorluinnarluni ilisimatusarnissamut kiffaanngissuseqarnermut ilaammat,  
tamannalu pissutigalugu taassallugu pisariaqanngitsutut nalilerneqarsimammat.  
Ilisimatusarfiup ilisimatusarnerit tamatigut allanut attuumassuteqannginnissaat,  
nammineertuunissaat sammisaqarfiunissaallu qulakkeertussaavaa.  
Ilisimatusarnissamut kiffaanngissuseqarnerup aamma tunngaviummik  
ilisimatusartarnissap isumaginnissaa kinguneraa, taamaaliornikkut  
Ilisimatusarfiup suliassaasa iluani ilinniagassat allanngutsaaliornissaat  
ineriartortinnissaallu isumagalugit."

Nassuiaatini erseqqissarneqartut tunngavigalugit taamaalilluni nalilerneqarpoq  
suleriaaseqarnissamut kiffaanngissuseqarneq siunnersuummi immikkut  
taassallugu pisariaqartinneqanngitsaq.



*2. Naalackersuisut siulersuisunut ilaasortassanik toqqaasarnerannut atatillugu Ilisimatusarfiup pituttuinngitsumik inassuteqartarnera sooq Naalackersuisunit pisariaqanngitsutut nalilerneqarpa?*

**Akissutit:**

§ 8, imm. 3-mut innersuussisoqarsinnaavoq, tassanilu uku atuarneqarsinnaapput: "Naalackersuisut Ilisimatusarfimmik, Kalaallit Nunaanni inuussutissarsiortut kattuffiinik, Danmarkimi rektorinik illuatungaasunillu allanik attuumassuteqartunik isumasioreernerminik kingorna toqqaassasut eqqarsaataavoq, taamaasilluni ilaatigut suliffeqarfik aqutsineq eqqarsaatigalugu Kalaallit Nunaanni inuussutissarsiortut akornanni immikkut ittumik ilisimasallit iluaqutigin eqarsinnaammata, misilittakkallu danskit universitetiini siulersuisutut sulinermeersut ikorfartuutigin eqarsinnaallutik. Tamatuma saniatigut Naalackersuisut Ilisimatusarfik pituttuisuunngitsumik inassuteqaqqullugu qinnuigisinnaavaat aalajangersagaavoq. Taamatut iliornikkut Naalackersuisut isumaqarunik Ilisimatusarfiup akuutinneqarnissaa siunertamut naapertuuttoq, Ilisimatusarfimmik akuutitsisinnaapput."

Naalackersuisut taamaalillutik nalilerpaat susassaqtut assigiinngitsut saaffigissallugit pisariaqarsinnaassasoq, soorlu Ilisimatusarfik. Naalackersuisulli isumaqarput inassuteqaammik pituttuiffiusumik taamaattumik Ilisimatusarfimmiit piniassalluni siunnersuummi tamatuma pisussaaffiunissaa pisariaqassanngitsoq, isumaqartoqarlunili inassuteqaammik taamaattumik piniartoqarsinnaanera peqatigitillugu immikkut erseqqissaatigin eqarsinnaasoq.

*3. Aalajangersakkap taaneqartup akuersissutigin eqarneratigut Ilisimatusarfiup naalackersuinikkut pituttorsimanninnera toqqaannanngitsumik annikillisinneqarsinnaalersoq Naalackersuisunit isumaqatigin eqarpa? tassami siulersuisunut ilaasortanit aqqanilinnit ilaasortat arfinillit peqataasunit naalackersuinikkut attuumassuteqanngitsunit isumasieqqaaratik Naalackersuisut toqqarsinnaalermatigit.*

**Akissutit:**

Naalackersuisut isumaqarput kiffaanngissuseqarnermut tamanna sunniteqarnavianngitsoq. Tassungalu ilanngullugu taaneqassaaq inatsisit atuuttut malillugit inassuteqaat qilersorsimanngitsoq matumani kisimi pineqarmat.

Soorlu apeqqut 2-mut akissummi erseqqissarneqartoq suli piumasqaataavoq Ilisimatusarfiup peqataasullu allat paasiniaaffigineqartassasut siulersuisuni ilaasortassanik toqqaasoqarnissaa pitinnagu.

*4. Ilisimatusarfiup siulersuisuini sulinerup naalackersuinikkut pissutsinik toqqammaveqarneranik pasitsaassisoqalersinnaaneratigut Ilisimatusarfiup nunat tamat akornanni isigineqarnerata ajoquserneqarsinnaaneranik isumakuluuteqarnermut Naalackersuisut isumaqataappat?*

**Akissutit:**

Ilisimatusarfiup siulersuisuini sulinerup naalackersuinikkut tunngaveqarluni annertuumik akuleruttoqarneranut pasitsaassisoqarsinnaanera Naalackersuisut upperissallugu tunngavissaqanngillat.

*5. Qanoq siulersuisunut ilaasortassanik toqqaasarnermi allannguutissatut kissaatigineqartup, ilisimatusarfimmi pituttorsimannigitsumi kiffaanngissuseqartumik ilisimatusarsinnaanermik kissaateqarnermut naapertuutsigineranik siuarsaatigineranillu nassuiaateqaqqullugit Naalackersuisut qinnuigineqarput.*

**Akissutit:**

Naalackersuisut isumaqarput matumani periuserineqartoq ulloq manna tikillugu ajunngitsumik ingerlanneqartoq ingerlateqqinneqartoq. Ilisimatusarnissamut kiffaanngissuseqarneq siunnersuummi atuarneqarsinnaavoq, soorluttaarlu tamanna inatsisini atuuttuni atuarneqarsinnaasoq. Naalackersuisut tamanna pissutigalugu isumaqarput naalackersuinikkut kiffaanngissuseqarneq sutigulluunniit killilersorniarneqarsimannigitsaq.

*6. Nunani avannarlerni siulersuisunut ilaasortassanik toqqaasarnermut tunngatillugu assingusunik inatsiseqarneranik assersuutissaqarnerisoq Naalackersuisunit paasissutissiissutigeqquneqarpoq. Taamaattoqarpallu taakku suuppat?*

**Akissutit:**

Savalimmiuni siulersuisuini ilaasortat avataaneersut sisamaasut ministerimit toqqagaapput.

Islandimi siulersuisut qanoq amerlatigisunik ilaasortaqaarnissaat universitetip angissusaa aalajangiisuusarpoq. Univertitetimi ilinniartut 5000-inik ikinneruppata siulersuisut rektori ilanngullugu arfineq-marlunnik ilaasortaqaassapput, universitetilu 5000-it qaangerlugit ilinniartoqarpat siulersuisut rektori ilanngullugu aqqanilinnik ilaasortaqaassallutik. Ilaasortat marluk sisamallu Ilinniartitaanermut, Ilisimatusarnermut Kultureqarnermullu Ministereqarfimmit toqqagaassapput, takuuk artikel 6 i Act no 85/2008 on Public Higher Education Institutions.

7. *Qulaani issuaaneq malillugu, ilaasortat toqqarneqarnermi najugaqartussaaitaanermut piumasagaatinik naammassinnittut toqqaareernermi siulersuinit tunuanngikkaluarlutik kalaallit nunaanniit allamut nuussinnaatitaappat?*

**Akissutit:**

Siulersuisuni ilaasortat nunanit allaneersut toqqarneqarnermik kingorna siulersuisuni ilaasortaajunnaanngikkaluarlutik Kalaallit Nunaanniit nunamut allamut nuussinnaanerat uppersarnerqarsinnaavoq.

Siulersuisuni siulittaasoq taamaalilluni kisimiilluni siulersuisuniinneq tamakkerlugu Kalaallit Nunaanni najugaqarnissamik pisussaaffeqarpoq.

8. *Siulersuisunut ilaasortat – assersuutigalugu ilisimatusarfimmi atorfimmiit tunuarnermi imaluunniit sulinnigffeqarallarnermi, ilinniarnermik unitsitsinermi il.il. qaqugu tunuartussaanaera Inatsisissatut siunnersuummi aalajangersakkani ersitunganngilaq, tamanna pillugu Naalackersuisut nassuiaateqaqqullugit qinnuigineqarput.*

**Akissutit:**

Qanoq ilineratigut Naalackersuisut siulersuisuni ilaasortamik tunuartitsinnaanerata siunnersuummi § 10, imm. 3-mi aalajangersagaavoq. Aalajangersakkami siulersuisuni ilaasortat tamarnik pineqarput. Siulersuisuni ilaasorta qeqataalersimasoq siulersuisuni akisussaaffimminik annertuumik sumiginnaasimasoq allatulluunniit siulersuisutut suliamik ingerlataqarnissamut naleqqukkunnaarsimasoq Naalackersuisunit tunuartinneqarsinnaavoq. Aalajangersakkap matuma saniatigut aalajangersakkanik siulersuisuni ilaasortap siulersuisunit tunuarnissaanik takunniffiusinnaasumik soqanngilaq. Tamanna pissutigalugu ilaasortaasut ataasiakkaat namminneerlutik aalajangissavaat siulersuisuni sulinermik nangitserusussanerlutik.

Ilaasortaannarnik oqarnermi ilaasortat suliffeqarfimmiittut siunnersuummi § 8, imm. 1, nr. 2-4-mi allanneqartut pineqarsimassasut ilimagineqarpoq. Ilaasortat taakku atorfeqarnertik imaluunniit ilinniartuunertik aqutigalugu toqqagaasarput, taamaammallu uani pineqarluni atorfitsik qimassagaluarpassuk atuarunnaarlutilluunniit siulersuisuni ilaasortaajunnaartussaammata.

9. § 9, imm. 2 malillugu siulersuisunut ilaasorta qoqqagaaffinni marlunni ilaasortaareersimasoq inississimavik nutaaq pissutigalugu toqqarneqaqqissinnaanngitsoq? (assersuutigalugu ilinniartuusimasoq ilisimatusarfimmi atorfinittoq imaluunniit siusinnerusukkut ilaasortaasimasoq avataanersooq kingornalu atorfinittoq.)

*a. Sooq tamatuma pitsaasutut nalilernerqarnersooq tunngavilersoqqullugu Naalackersuisut qinnuigineqarput, ilaatigut ilaasortaasinnaasut naapertuuttunik piginnaasallit ikinnerulernissaannik ilimagisaqarneq eqqarsaatigalugu.*

**Akissutit:**

Inuk ilaasortatut avataaneersutut Naalackersuisunit toqqagaappat, Ilisimatusarfimmi ilisimatuunut ilinniartitsisunullu sinniisussatut toqqagaappat, sulisunit teknikimik sulialinni toqqagaappat imaluunniit ilinniartunit toqqagaappat assigiinngissuteqarpoq.

Inuit Naalackersuisunit toqqagaasut inuttut piginnaasatik tunngavigalugit toqqagaasarput, tassalu ilaasortaassagaanni sunik suliaqarneq apeqqutaanngilaq, paarlattuanilli siulersuisuni ilaasortat sinneri eqimattakkaanut sinniisussatut toqqagaasarlutik. Eqimattakkaanut sinniisuujunnaarpata siulersuisuni ilaasortaasinnaanngillat. Matumanilu siulersuisuni ilaasortaq § 9, imm. 2 malillugu eqimattakkaanut siusinnerusukkut sinniisuutitaasoq eqimattakkaat allat sinnerlugit siulersuisuni ilaasortaasinnaassanngitsoq § 8, imm. 1 siunertaanngimmat oqaatigineqassaaq. § 8, imm. 1 malillugu eqimattakkaani tamani ilaasortat toqqaqinneqarsinnaapput qineqqinneqarsinnaallutilluunniit, taamaalilluni ilinniartooq ilinniartutut ataasiarluni qineqqinneqarsinnaavoq, tamatumalu kingorna inuk qinigaaffinni marlunni issiasinnaassalluni, soorlu ilisimatuutut kinguneratigullu avataaneersutut qinigaaffinni marlunni issiasinnaassalluni.

Tassunga atatillugu taaneqassaaq Ilisimatusarfiup inatsisitigut inissisimanera assersuutigalugu KNR-ip inissisimaneranut assingummat, taannami aamma pisortat suliffeqarfiutigaat namminersortitaq. KNR-ip siulersuisuinut toqqaaqqittarneq Radiukkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi § 31, imm. 6, oqaaseqatigiit aappaanni atuarneqarsinnaavoq: "Ilaasortat toqqaqinneqarsinnaapput, kisiannili ataasiaannartumik". Aalajangersakkamut tassunga nassuiaatini aamma atuarneqarsinnaavoq: "Aalajangersakkami oqaaseqatigiit aappaanni aalajangerneqarpoq ilaasortaq toqqarneqaaqqissinnaasoq, ataasiaannarlunili. Akornutissaqanngilaq siulersuisunut ilaasortap siulersuisut avataanneereerluni toqqaqinneqarsinnaanera." Tamanna aamma Ilisimatusarfiup siulersuisuisa ilaasortaannut atuussinnaassaaq.

Tassa imatut paasillugu, killeqartitsineq imatut paasisariaqartoq toqqaaqqissinnaaneq imaluunniit qinigaqqinneq ataasiaannarluni pisinnaassasoq piffissaq siuliani atuuffiusoq nangiinnarlugu, akornutissanngitsorli inuk siulersuisut avataanni piffissami aalajangersimasumi sulereerluni toqqarneqarsinnaanissaa. Tamanna siulersuisuni nutarteriuartoqarnissaa allanngorartoqartuarnissaalu qulakkeerniarlugu aalajangersarneqarpoq,

taamaattorli ilaasortassat piukkunnaatillit killeqarsinnaanerat eqqarsaatigalugu kingusinnerusukkut toqqaasoqarsinnaassalluni qinersisoqaqqissinnaassallunilu.

*10. "Piffissap ilaanik" piffissaq qanoq sivistigisoq pineqarnerseq nalunaarutigeqqullugu Naalackersuisut qinnuigineqarput.*

**Akissutit:**

Aalajangersimasumik piffissanut killiliisoqartarnera Naalackersuisut tulluurtut isiginngilaat. Tamanna imatut paasisariaqarpoq taamaallaat piffissaq atuuffiusoq atuuffiussasoq siulersuisut nutaat toqarneqarlutik sulileqqinnissaat pineqartoq.

*11. Piffissaq siulersuisuugallartunut ilaasortaaffik piffissanut siulersuisunut ilaasortaasinnaaffinnut tamarmiusunut ilanngunneqarpa, tak. § 9, imm. 2?*

**Akissutit:**

Matumani siulersuisuugallartut pineqartussaapput piffissat amerlassusaannut tunngatillugu sunniuteqarsinnaanngitsut, takuuk § 9, imm.2.

*12. Qaqugu ineriartortitsinermit isumaqatigiissutip aallarnisarneqarnissaa naammasineqarnissaalu Naalackersuisunit naatsorsuutigineqarpa?*

**Akissutit:**

Inatsisip atuutilernerata kinguinnguutigut ineriartortitsinermit isumaqatigiissutip piareeqqanissaa siunertaralugu tamanna pillugu upernaap ingerlanerani Iisimatusarfiup isumasiorlugu aallartinnissaa Naalackersuisut naatsorsuutigaat.

*13. Siulersuisunut ineriartortitsinissamik isumaqatigiissummi siullermi pissutsit suut siuarsarneqarnissaat Naalackersuisunit siunertarineqarpa?*

**Akissutit:**

Tamanna suli isummerfigineqanngilaq, nassuiaatinili taaneqareersutut naammasinnittartut amerlisinnissaat assersuutitut taaneqarsinnaavoq. Aamma pitsaassutsimik qulakkeerinnittarnermut suliap ilanngunnissaa ilimanarsinnaavoq, tassami massakut Iisimatusarfimmi pitsaassutsimik qulakkeerinnittarnerup piviusunngortinnissaanik ineriartortinnissaanillu suliaqartoqarpoq. Tamanna pillugu Iisimatusarfik peqatigalugu oqallinnerit aallartereerput.

*14. Malittuaniittut pillugit kisitsisitigut paasissutissat ataatsimiititaliamit qinnutigineqarput:*

*a. 1979-ip kingorna kalaallit ilinniartut qassit PH.D.-mik ilinniarnermik naammassisaqarsimappat?*

**Akissutit:**

Ilisimatusarfimmi ph.d-mik ilinniarneq 2001-ip kingorna aatsaat periarfissanngorsimavoq, taamani "Ph.d-grad pillugu Namminersornerullutik Oqartussat nalunaarutaat nr. 36, 9. oktober 2001-imeersoq akuersissutigineqarmat.

Tamatuma kingorna inuit 13-it ph.d-mik ilinniarnermik naammassinnissimapput, massakkullu ilinniartut 16-it ph.d-mut ilinniarnissamut allatsissimapput.

Tamatuma saniatigut kalaaleqarpoq nunani allani ph.d-mik ilinniagaqarsimasunik. Qanoq amerlatiginerannut kisitsitigut paasissutissaqanngilaq. Tamanna pissutigalugu 1979-ip kingorna ph.d-mik kalaallit ilinniartut qassit naammassinnissimanersut pillugit kisitsitigut paasissutissaqanngilaq.

Ilanngullugulu paasissutissiissutigineqarsinnaavoq 2017-ini inuit 47-t ph.d.-mik ilinniagaqarsimasut Kalaallit Nunaanni najugaqartut Naatsorsueqqissaartarfiup nittartagaanni takuneqarsinnaammata.

*b. Ilisimatusarfimmi ilinniarnermi bachelorinnngorniarnermiit Ph.D.-nngornissamut ilinniarnermut piffissaq agguaqatigiissillugu atugaq.*

**Akissutit:**

Ilisimatusarfimmiit paasissutissiissutigineqarpoq bacheloritut, kandidatitut imaluunniit ph.d-tut ilinniartut agguaqatigiissillugu qanoq sivilutigisumik ilinniartarnerannut kisitsitigut paasissutissaateqarnatik.

Ph.d-tut ilinniartunut tunngatillugu Ilisimatusarfik paasissutissiivoq siullertut ph.d-tut ilinniarneq ilinniarnertut isigineqarnani atorfinnertut (ilisimatuutut) isiginerusariaqartoq.

Aappaattullu adjunktitut ilinniarneq ph.d-mik ilaqarluni ukiuni arfinilinni ingerlanneqartartoq aamma ph.d-tut ilinniarneq ukiuni pingasuni ingerlanneqartartoq periarfissaapput, taamaammallu imminnut assersuukkuminaallutik. Tamatuma saniatigut aamma pineqartoq ukiuni sisamani bacheloritut ukiuni sisamani atuarsimanini imaluunniit ukiuni pingasuni bacheloritut atuarsimanini tunngavigalugit ilaalersimanersoq aammalu ilinniartuq kandidatitut ph.d-mik aallartitsisimanersoq assigiinngissutaapput.

Tamatuma saniatigut atuarnerup nalaani soorunami erninereernerup kingorna allatullu sulinnigiffeqartoqarsimasinnaavoq, ph.d-imillu atuartoq

soraarummeerutissaminik tunniussinissamini ukiup affaa angullugu  
soraarummeerutissaminik misissueqqullugu piумаффигинеqarsinnaavoq.

*c. Inuit Kalaallit Nunaanni imaluunniit qanittuani najugallit Ph.D.-imik  
ilinniagaqarsimasut apequttip nr. 15-ip ataani ilinniagaqarfii iluanni*

**Akissutit:**

Ph.d-mik naammassisunit 13-iusunit sisamat Ilisimatusarfimmiit kandidatit  
ilinniagaqarput.

Ph.d-tut ilinniarnissamut allatsissimasunit 16-iusunit tallimat Ilisimatusarfimmiit  
kandidatit ilinniagaqarput.

Ph.d-tut ilinniartuussunit katillugit 30 %-it kandidatit ataaseq Ilisimatusarfimmi  
angusisimavoq.

Ph.d-tut ilinniartut qassit Kalaallit Nunaanneersuunersut Ilisimatusarfimmiit  
erseqqissumik taaneqarsinnaanngillat. Ilisimatusarfiup eqqoriarpaa  
amerlanerujussuit Kalaallit Nunaanneersuussasut, kisiannili kaditatit  
atuarnertik Danmarkimi nunaniluunniit allani ingerlassimassagaat.  
Ilisimatusarfik suminngaanneersuunerannut sumilu inunngorsimanerannut  
paasisutissanut isersinnaanngilaq.

*d. Kalaallit Kandidatinnorsimasut, Ph.D.mik ilinniarnermut ingerlaqqittartut.*

**Akissutit:**

Ilisimatusarfik taakkununga ersarissunik kisitsisaateqanngilaq. Ilisimatusarfiup  
eqqoriarpaa inuit 60-80-it missaanniittut kandidatit naammassisimassasut,  
taamaalillutillu 10-15 %-it ph.d-mut ingerlaqqittartut.

*e. Piffissami 2012-2017-imi Danmarkimi Ph.D.-nngorniarnermik  
aallartissimasut, naammassisimasullu amerlassusaat*

**Akissutit:**

Kisitsisitigut paasisutissani Danmarks Statistikimeersuni atuarneqarsinnaavoq  
2012-imi ph.d-mut 2450-it tigutissimasut, kisitsisillu ukiumiit ukiumut  
allangorartuusut, 2017-imilu 2375-inngorsimallutik. Qanoq amerlatigisut  
naammassinittarsimanersut kisitsisaatigineqanngillat.

*f. Nunani avannarlerni allani kandidatinnorniarnermut ingerlaqqittut.*

**Akissutit:**

Apeqquutigineqartoq akineqassappat kandidatitut atualersuut kisimik nunamit ataasiinnarmeersut ph.d-mik ingerlatsisuusariaqassapput. Taamaattoq ph.d-tut atualernissamut tiguisarnermi nunanit allaneersut amerlasuut tiguneqartarput, taamaalillutillu suliaasaqarfiit ilaat, soorlu teknikip pinngortitalerinerillu iluini, nunanit allaneersut ph.d-imik atuartut amerlanerusarput. Tamanna pissutigalugu tamatumuuna kisitsisitigut paasissutissat tatiginanngillat.

*15. Ilisimatusarfimmi atorfiit akuerisat pillugit Naalakkersuisut qinnuigineqarput nassuiaqqullugit:*

*g. Instituttip pisortai fagit malillugit*

*h. Immikkoortuni aqutsisut fagit malillugit*

**Akissutit:**

Ilisimatusarfik sisamanik instituteqarpoq, tamarmik immikkut aqutsisullit.

1. Kulturimik, Oqaatsinik Oqaluttuarisaanermillu Ilisimatusarfik
2. Ilinniartitsinerimik Ilisimatusarfik
3. Inuiaqatigiilerinerimik, Aningaasaqarnermik Tusagassiornermillu Ilisimatusarfik
4. Peqqissaanermik Ilisimatusarfik

Ilisimatusarfik 11-nik immikkoortanut aqutsisoqarpoq ilinniarnernut ukununga agguataarneqartunik:

1. Inuutissarsiornermi aningaasaqarneq;
2. Tusagassiuutilerineq
3. Inatsisilerineq, pisortani inatsisit
4. Kulturilerineq inuiaqatigiilerinerlu
5. Ilinniartitsisutut
6. Nutserineq oqaluttaanerlu
7. Inuiaqatigiinnut ilisimatusarnej / West Nordic Studies
8. Inunnik isumaginninnermut siunnersortinngorniarneq
9. Oqaasilerineq, atuakkialerineq tusagassiuutilerinerlu
10. Peqqissaasut
11. Teologi

Tamakku saniatigut ilinniarnerni ingerlaqqiffiusuni arlalinni immikkoortortanut aqutsisut akisussaaffeqartiterput.

*16. Immikkoortuni aqutsisunut sooq aqutsisinnaanermik piginnaasat piumasqaataanngillat?*



**Akissutit:**

Naalackersuisut nalilerpaat atorfiit taamaattut inuttalersornissaanni atorfinittussap atuuffimmik isumaginninnissamini suliatigut naammattunik tunuliaqutaqartarnissaa pingaaruteqartuusoq. Atorfinitsitsinissamut ataatsimiititaliat ataasiakkaat namminneerlutik nalilertassavaat atorfinitsitsinermi aqutsisutut misilittagaqartuunissaq ilumut pingaartinneqartassanersoq.

Ilanngullugulu oqaatigineqassaaq institutini aqutsisuusunut tamanna aamma atuummat, tassanimi taamatut aamma piumasaqaasiortoqarsimanngimmat.

*17. Sooq lektorip naliliinera atorsinnaanngila, ilisimatusarnermi milittakkat qulakkeerniarlugit, soorlu Ilisimatusarfiup taamatut tikkuaraa?*

**Akissutit:**

Ilisimatusarfimmi ilinniartitsisunut ilisimatuunullu atorfiit ilusaat pillugit isumaqatigiisummi § 6, imm. 5-imi atuarneqarsinnaavoq lektortitut atorfinitsitsisoqassappat ph.d-tut assingusumilluunniit ilinniakkamik qaffasissusilimmik ilinniagaqarsimanissaq piumasaqaataassasoq. Lekoritut nalilerneqarneq taamaammat ph.d-tut ilinniagalittut nalilerneqassaaq, tassami lektorit qaqugukkulluunniit ph.d-tut ilinniagaqareertarmata.

*18. Ukiunut 10-inut §34 imm. 2-imi immikkut malittarisassatut aalajangerneqarnera sumik toqqammaveqarpa?*

**Akissutit:**

Aalajangersakkamut nassuiaatini manna atuarneqarsinnaavoq: "Immikkut akuersissuteqarsinnaanermut aaqqissuussineq ilanngunneqarpoq, tassami massakkorpiaq nalilerneqarmat ph.d-mik ilinniagallit qinnuteqarsinnaasut killeqartussaasagunarmata.

Tamatuma saniatigut tusarniaanermut akissutinut oqaaseqaatini atuarneqarsinnaavoq: "Massakkorpiaq nunatsinni ph.d-mik ilinniagallit ikippallaarnerat nassuerutigalugu aamma ilinniaqqinnissaq piffissamik atuiffiusussaammat Naalackersuisut siunnersuummi § 34, imm. 2-mik allannguisimapput, taamaalilluni piginnaasanut piumasaqaatini ukiunik qulinik piumasaqarneq immikkut akuersissuteqarfiusinnaalerluni, siunnersuutigineqaraluartut ukiut tallimat pineqarunnaarlutik. Tusarniaanermut akissutit tiguneqartut malillugit tamanna allanngortinneqarpoq."

*19. Tusarniaanermi akissutit arlallit tunngavigalugit, ataatsimiititaliap Naalackersuisut qinnuigissavai, tunngaviusumik kingunerluutaasinnaasut*

*isigeqqullugit, oqariartuutip nalinga, naalackersuinikkut tunngaviatigut ilinniagaqarneq akuersissutigineqartassappat.*

**Akissutit:**

Ilinniakkat ingerlaqqiffiusut pillugit Inatsisartut inatsisissaattut siunnersuummi § 2 malillugu ilinniarnernut ingerlaqqiffiusunut ataqatigiisumik atortumik Naalackersuisut qulakkeerinnittussaapput, siunnersuummilu § 4, imm. 1, nr. 1 malillugu ilinniartoqarfiit arlallit ilinniarnernik imminnut assingusunik neqeroortussaannngillat. Ilinniarnernup akuerineqarnissaanut piumasagaatit siunnersuummi § 4-mi atuarneqarsinnaapput.

Naalackersuisullu ilinniakkamik neqeroorummik akuersisinnaassappata piumasagaatit arlallit naammasseqqaartariaqarput, piumasagaatillu tamakku naammassineqarsimanersut Naalackersuisut nakkutigissappassuk pisariaqarpoq ilinniarnernit akuersissannngorlugit Naalackersuisunut saqqummiunnissaat.

Ilinniakkat ingerlaqqiffiusut pillugit Inatsisartut inatsisissaattut siunnersuummi Ilisimatusarfimmi ilinniarneqartussanik neqeroortarneq kisimi pineqanngilaq, taamatuttaarli ilinniarnerni ingerlaqqiffiusuni qitiusumik ilinniarfinni allatullu ilinniartoqarfinni akuersisaasuni ingerlanneqartuni neqeroorutit pineqarlutik. Taamaammat ilinniarnernit suunersut iluamik paasisaqarfigerusullugit nalilerneqarpoq tulluarnepaajussasoq Naalackersuisut ilinniarnernut tamanut akuersissuteqarsinnaanermut piginnaatinneqarpata. Akademisk Råd, Ilisimatusarfimmi sulisitaq, Kalaallit Nunaanni ilinniartoqarfinni allani ilinniarnernik sunik neqeroortoqartarnersoq iluamik paasisuttissaateqarunangilaq. Naalackersuisut taamaammat nalilerpaat ilinniarnernit akuersissannngortariaqartut, matumani Ilinniarnernit ingerlaqqiffiusut pillugit Inatsisartut inatsisissaattut siunnersuummi §§ 2 aamma 4 naammassiniarlugit.

Tassunga atatillugu taaneqassaaq Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi § 5, imm. 2, oqaaseqatigiit aappaanni atuarneqarsinnaammat Aammattaaq Naalackersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut. Qitiusumik Ilinniarfiit Ilisimatusarfik assigalugu inatsisitigut toqqammavissaqarpoq, tassalu pisortat suliffeqarfiutigaat namminersortitat.

Inuussutissarsiutitigut ilinniartitaanerni Naalakkersuisut taamaalillutik ilinniarnissanut pilersaarutit akuersissutigisarpaat, tamannalu ajornartorsiutinik pilersitsisimagunangilaq. Naalakkersuisut aamma naatsorsuutiginnigilaat ilinniarnernut ingerlaqqiffiusunut tamanna ajornartorsiutinik pilersitsiffiussasoq.

Ilanngunneqassaarlu organistinngornianut ajoqinngornianullu ilinniagaqarnersiuteqartitsineq aamma Naalakkersuisunit akuersissutigineqartussaammat. Tamanna Inatsisartut kingullermik ilageeqarneq pillugu inatsimmik allanngortitsisoqarnerani aalajangerpaat, tamannalu pivoq 2018-imi ukiakkut akuersissuteqartoqarneratigut.

Akuersissuteqartarnermi peruserineqartumi immikkut oqartussaaffik rektorip isumagisassaa siunnersuutigineqarpoq, tassani rektori akademisk rådimi ilaasortaajunnaarnikummat. Akuersissuteqarneq akademisk rådimiit inassuteqarenikkut pissaaq, ilimanarporlu pissutissanik annertuunik peqartoqarsimassasoq rektori inassutigineqartumik akuerinninnianngippat, tassami akademisk rådimiittut suliatigut annertuumik ilisimasaqartuummata.

Aamma tusarniaanermut akissutinut oqaaseqaatini atuarneqarsinnaavoq ilinniagaqarnersiuteqartitsinermut atatillugu akademisk rådiip oqaasissaarutsinneqartutut nalilerneqanngimmat, tassami ilinniagaqarnersiutit pineqartillugit akademisk rådiip isummertarnissaa pingaaruteqaqimmat.

Siuliniittut tunngavigalugit taamaalilluni inerniliunneqarpoq akuereriaaseq siunnersuutigineqartoq ajortunik sunniuteqarnavianngitsoq Naalakkersuisut nalilerpaat.

Ilanngullugulu paaseqquneqarpoq ilinniagaqarnersiutinik Naalakkersuisut akuersisartussaanagerat ilinniarnertuunngorniarfinni rektorit tapersersormassuk. Ilinniarnertuunngorniarfiit ilinniartut ilinniarnerni ingerlaqqiffiusuni atualersussat ilinniartitaraat. Taamaammat ilinniarnertuunngorniarfinnut pingaaruteqartorujussuuvoq ilaatigut ilinniarnernut ataasiakkaanut atualersinnaanermut piumasaqaatit pillugit ilisimatinneqartarnissaq, tamanna aqcutigalugu piffissaagallartillugu ilinniarneqartussanik naleqqussaaneermik siunnersuinermillu suliaqarniassammata. Taamaaliornikkut ilinniarnertuunngorniarfiit ilinniarnernut piareersarfiusunut ilinniakkanilu sammititanut naleqqussaasinnaassammata, taamaalillutillu ilinniarnernut ingerlaqqiffiusunut neqeroorutaasunut isersinnaalerlutik. Taamatuttaaq ilinniarnernit ingerlaqqiffiusunut pisariaqassaaq ilinniarnertuunngorniarfiit pillugit paasitinneqartarnissaq, tamannalu aqcutigalugu ataqatigiissaarinissaq qulakkeerlugu. Ilinniarneqartut qaffasissutsimikkut ataqatigiittariaqarput, ilinniartut tamanna aqcutigalugu ilaatigut ilinniaqqinnissamut

piareersimaniassammata, ilinniarnerrillu ingerlaqqiffiusut  
ilinniarnertuunngorniarni suliaareersunik nangitsillutik.

Tamatuma saniatigut ilinniarnerni ingerlaqqiffiusuni ilinniagassatut neqeroorutit  
nunatsinni ilinniarnertuuni assigiinngisitaartuunermut naapertuutissasut.  
Assigiinngisitaartuunermik oqarnermi ilinniartut inuussutissarsiortullu  
ilinniarnernut ingerlaqqiffiusunut/neqeroorutinut kissaataat pineqarput,  
ilinniartullu soraarummeernerminni agguaqatigiissillugu angusarisaat  
apeqqutaatinnagit ilinniarnissamat periarfissat assigiittariaqarput. Matumani  
isumarineqanngilaq kikkut tamarmik angusarisaat apeqqutaatinnagit ilinniarnernut  
isersinnaalernissaat, kisiannili aamma qulakkeertariaqarluni ilinniarnernut  
ingerlaqqiffiusunut ilinniartut soraarummeernermi qaffasissumik  
angusaqanngikkaluarlutik isersinnaanissaat. Ilinniartitaanermut  
Naalackersuisoqarfik taamaalilluni ilinniarnertuunngorniarniit aamma  
ilinniarnerrit ingerlaqqiffiusut akornanni attaveqaataasinnaavoq.

*20. § 18, imm. 2 kingunerissavaa, Ilinniagartuut siunnersuisoqatigiiffianni  
siusinnerusukkut toqqagaaffinni marlunni siusinnerusukkut ilaasortaasimasoq  
inissisimaneq nutaaq pissutigalugu toqqagaaqqissinnaanngitsoq?  
(assersuutigalugu siunnersukkut ilinniartuq, kingusinnerusukkut  
Ilisimatusarfimmi atorfinittoq.)*

*a. Naalackersuisut qinmuigineqarput tunngavilersoqqullugu, sooq killilimmik  
toqqagaaqqinneq tulluartutut nalilerneqartoq, ilaatigut ilaasortat  
qinerneqarsinnaasut piginnaasallit killilerneqarnerat eqqarsaatigalugu.*

**Akissutit:**

Apeqput 9-mut akissutigineqartut innersuussutigineqarput. Aalajangersagaq  
siunnersuummi § 9, imm. 2-tut paasineqassaaq.

*21. § 26, imm. 2 malillugu Institutip siunnersuisoqatigiivini siusinnerusukkut  
ilaasortaasimasoq qinigaaqqissinnaanngilaq qanorluunniit sivisutigisumik  
atorfeqarsimagaluaruni?*

*Taamaattoqassappat:*

*a. . Taava instituttimi minnerpaami sulisut qanoq sivisutigisumik  
atorfeqassappat Institutip siunnersuisoqatigiivinut ilaasortaanissamat  
qinigaaqqissinnaajunnaarnissaanut takuuk § 25, imm. 1 nr. 3 aamma 4?*

*b. Sooq Naalackersuisut pisariaqarsoraat killilersuineq piffissami  
killiligaanngitsumi?*

**Akissutit:**

Apeqput 9-mut akissutigineqartut innersuussutigineqarput.

*22. Naalackersuisut nassuiaaqquneqarput, aalajangersagaq taanna Ilisimatusarfiup sulisuinut qanoq sunniuteqassasoq maannakkut malittarisassanut atuuttunut periusaanullu sanilliullugu. Oqartussat ataanni Ilisimatusarfiup imminut pigisutut suliffeqarfiunera eqqarsaatigalugu.*

**Akissutit:**

Aalajangersagaq Ilisimatusarfiup sulisuinut imannak sunniuteqartussaangilaq, tassami aalajangersakkami suna suliassaanersoq kisimi aalajangersaaffigineqarmat.

Aalajangersagaq aamma ilaatigut KNR aamma qitiusumik ilinniarfiit pillugit inatsisini takuneqarsinnaavoq, taakkualu taaneqareersutut Ilisimatusarfik assigalugu inatsisitigut inissisimmamata.

Ilisimatusarfilli tusarniaanermut atatillugu aalajangersakkamut tassunga oqaaseqaateqarpoq. Tassani takuneqarsinnaavoq atorfinitsitsisarnernut tunngatillugu Namminersorlutik Oqartussanit aalajangersarneqartut malinniassallugit ajornartoqarsinnaasartoq piffissamillu atuinarsinnaasartoq, pingaartumik ilisimatuut ilinniartitsisullu nunanit allaneersut atorfinitsinniartarnerannut tunngatillugu. Tassunga atatillugu Naalackersuisut akipput aaqiissutissat ilisimatuut ilinniartitsisullu allamiut atorfinitsinniartarnerannut oqilisaataasinnaasut pillugit oqaloqatigiinnernik Naalackersuisut allartitsiniartut.

*23. Ilisimatusarfimmu taxameteri malillugu tapiisarnerup pisinnaanngornissaanik siunnersuutini Naalackersuisut Kalaallit Nunaanni imaluunniit nunani allanit pitsaasunik misilittakkanik peqarpat?*

**Akissutit:**

Kalaallit Nunaanni inuussutissarsiutitigut ilinniartitaanerni tapiissutit ilaat taxameter najoqqutaralugu tapiissutit tunniunneqartarput. Atuarfiit namminneq kontumik pingaarnermik najoqqutassaqarput, taakkunanilu ingerlatsinermut aningaasaliissutit takuneqarsinnaallutik. Tamatuma saniatigut atuarfiit suliniutigineqartut aallaavigalugit tapiissutinik tunineqartarput, taakkualu atuarfiup sammisaanut piumasagaatit tigussaasut tunngavigalugit (sammisaq akigitartu) aningaasaliissutit inatsisitigut pisussaaffiusut aqqutigalugit tunniunneqartarlutik, takuuk 40.91.31, Suliniutit aallaavigalugit tapiissutit (Aningaasaliissutit inatsisitigut pisussaaffiusut). Taamaammat taxameter najoqqutaralugu tapiissutinik tunniussisarnermik Naalackersuisut ajunngitsumik misilittagaqarput.

*24. Ilisimatusarfik pillugu aaqqissuussineq isornartorsiorneqartoq ataatsimiititaliap ersarissumik paasivaa. Naalackersuisut qinnuigineqarput*

*naasumik ersarissumillu nassuiaaqquneqarput, soq Naalackersuisut pisariaqarsorineraat, Ilinniakkat aaqqissugaaneri naalackersuinikkut akuersissutigineqartassanersut? (inatsisissatut siunnersuummut nalinginnaasumik oqaaseqaatimut ilassutitut nassuiaat saqqummiuteqquneqarpoq. Akissut ilanngunneqarsinnaavoq apeqquut 19-imut akissummi.)*

**Akissutit:**

Apeqquut 19-imut akissut innersuussutigineqarpoq.

*25. Naalackersuisut qinnuigineqarput ilisimatitsissutigeqqullugu, suut nunat allat ilinniakkat aaqqissuussaanerinut assigisaanik inatsiseqarlutik naalackersuinikkut akuersisartut?*

**Akissutit:**

Naalackersuisut nunanik allanik taamatut ingerlatsisunik ilisimasaqanngillat. Nunarpummi inoqassutsimigut aamma mikivoq, taamaammallu ilinniartoqarfiit assigiinngitsut imminnut unaminaveersaartariaqarlutik. Taamaammat ilinniartoqarfiit assigiinngitsut akunnerminni ataqatigiissaarisarnissaat pingaaruteqarpoq, ilinniarnertuunngorniarfiillu ilinniarnerni ingerlaqqiffiusuni tiguneqarnissamut piumasaqaatit tunngavigalugit ilinniarnissat piareersartassagaat.

*26. Ilinniartoqarfiit naalackersuinikkut kiffaanngissuseqarnissaat Naalackersuisut isumaqatiginerlugu – taamaassappallu, qanoq ilillutik inatsisissatut siunnersuutit pingasut taassuma tungaanut qanoq sammippat?*

**Akissutit:**

Naalackersuisut kiffaanngissuseqarnissamut taaneqartunut tamanut isumaqataapput, isumaqarlutillu siunnersuutit pingasut tamarmiullutik naalackersuinikkut kiffaanngissuseqarnissaq eqqarsaatigalugu suliarineqarsimassasut.

Inussiarnersumik inuulluaqqusillunga

  
Ane Lone Bagger



Ilinniartitaanermut, Kultureqarnermut,  
Ilageeqarnermut aamma Nunanut allanut  
Naalakkersuisoq  
[ikin@nanoq.gl](mailto:ikin@nanoq.gl)

Ulloq: 09-04-2019  
J.nr.: 01.39.01.03-00199

### UPA2019/199,200 aamma 201 pillugit malitseqartitsilluni apeqqutit

Ulloq 26. februar 2019 apeqqutit qulaani pineqartut ataatsimiititaliap apeqqutaanut akissutit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliap tiguai. Naalakkersuisut akissutaat pillugit ataatsimiititaliaq qujavoq, taamaattorli ataatsimiititaliap pisariaqartissimavaa ataani allassimasunik malitseqartitsilluni apeqquteqassalluni.

#### Ulloq 26. februar 2019 Naalakkersuisut akissutaannut atatillugu apeqqut:

1. Akissut nr. 1-imi atuarneqarsinnaavoq "Ilisimatusarfik suleriaaseqarnissamut kiffaangissuseqarnersoq" "ilisimatusarnissamut kiffaangissuseqarnermut ilaammat". Naalakkersuisut qinnuigineqarput "suleriaaseqarnissamut kiffaangissuseqarneq" aamma "suleriaaseqarnissamut kiffaangissuseqarneq" nassuiaqqullugit.
  - a. Siunnersuummi "suleriaaseqarnissamut kiffaangissuseqarnerup" peerneqarnerani aalajangersakkap oqaaseqatigiiviniq oqilisaaneq kisimi siunertaava?
2. Apeqqut nr. 4-mut tunngatillugu Naalakkersuisut tunngavilersuutaat ataatsimiititaliamit amingaatigineqarpoq – Naalakkersuisut qinnuigineqarput ilimaginninnerminnut pissutaasoq ilisimatitsissutigequllugu.

Akissut nr. 17-imi atuarneqarsinnaavoq imaattoq:

*"Ilisimatusarfimmi ilinniartitsisunut ilisimatuunullu atorfiit ilusaat pillugit isumaqatigiisummi § 6, imm. 5-imi atuarneqarsinnaavoq lektorit atorfinitisitsisoqassappat ph.d-tut **assingusumilluunniit** ilinniakkamik qaffasissusilimmik ilinniagaqarsimanissaq piunasaqaataassasoq. **Lektoritut nalilerneqarneq taamaammat ph.d-tut ilinniagalittut nalilerneqassaaq, tassami lektorit qaqugukkulluunniit ph.d-tut ilinniagaqareertarmata.**"*

(ataatsimiititaliap ersarissagaa)

3. Apeqqut 17-imut akissut pillugu: qulaani pineqartut § 6, imm. 1-6 malillugit Lektorimik pitsaasumik naliliineq / lektoritut atorfininnerup ilisimatusarfimmi aqutsinissamut kissaatigineqartut lektoritut piginnaasat naammassappat?

### "Atorfinissutaasinnaasumik bachelorit" atorunnaarnerat

Ilinniartitsisutut ilinniarnermi atuartitsinermi perorsaanermilu ilisimasat amingaatigineqartut piffissami kingullermi tamanit oqallisigineqarput. Ilinniartut ilinniarnermillu naammasseqqammersut atuartitsinermi periutsini il.il. nalinginnaasumik ilisimasassanik amigaatigisaminnik ujartuipput.

4. "Atorfinissutaasinnaasumik bachelorit" aamma "bachelorit" - tamatumunnga ilanngullugit ilinniariaatsini assigiinngissutsit, suliffimmi sungiusartarneq il.il. nunarsuarmioqataanermi nunanilu avannarlerni qanoq isumaqartinneqarnersut Naalakkersuisunut nassuiaqquneqarpoq.
5. "Atorfinissutaasinnaasumik bachelorit" toqqaannartumik taamatut taaguuteqarunnaarpata Kalaalit Nunaanata avataani ilinniarsimasunik ilinniartitsinermut, peqqissaanermut il.il. bachelorit ilinniarsimasunik siunissami sulisussarsiorsinnaaneq pillugu Naalakkersuisut qanoq eqqarsaasersuuteqarpat?

UPA2019/200-mut oqaaseqaatini allassimasoqarpoq, bachelorit ilinniakkat aamma atorfinissutaasinnaasumik bachelorit ilinniakkat danskit pitsaassusissanik sinaakkusiussani qaffasissuseqatigiissillugit inissinneqassasut. Pitsaassusissanut Sinaakkusiussa aallaaveqarpoq EQF-imik (European Qualification Framework). Tassungalu atatillugu Ilinniartitsinermut Ilisimatusarnermullu ministeariaqarfiup nittartagaa innersuutigineqarpoq.

6. "Atorfinissutaasinnaasumik bachelorit" ilinniarnert aamma "nalinginnaasumik bachelorit" ilinniarnert immikkoortitaanerisa atorunnaarsinneqarnissaata siunnersuutigineqarnera ataatsimiititaliap tupigusuutigaa (§ 11, imm. 1 UPA2019/200-imi). Ataatsimiititaliap taamaasilluni paasivaa, danskit Ilinniartitsinermut Ilisimatusarnermullu ministeariaqarfiata Naalagaaffiup suliaa EQF pillugu suliaqartup bachelorit taakku assigiinngitsut marluk ersarissumik immikkoortikkai<sup>1</sup>. Naalakkersuisut tamanna pillugu oqaaseqaqquneqarput.

UPA2019/200-mut oqaaseqaatini ima allassimasoqarpoq:

*"Inatsisit atuuttut naapertorlugit atorfinissutaasinnaasumik bachelorit ilinniarnert aamma nalinginnaasumik bachelorit ilinniarnert immikkoortitaapput. Immikkoortitsineq taanna siunnersuummi ingerlateqqinneqanngilaq. Tamatumunnga patsisaatinneqarpoq ilinniakkat malunnaatilimmik assigiinngissuteqarunnaarsimasutut isumaqartoqarmat, tassami bachelorit ilinniakkat neqeroorutaasut amerlanersaat Ilisimatusarfimmit neqeroorutaapput, taassumalu ilinniakkat ilisimatusarnermik tunngaveqarnerat qularnaartarlugu. Aammattaaq nunarsuaq tamakkerlugu ineriartornerup takutippaa, immikkoortitsisarneq qimakkartorneqartoq."*

<sup>1</sup> Takuuk Ilinniartitaanermut Ilisimatusarnermullu Ministeriaqarfiup nittartagaa, "Bachelor- og diplomuddannelser" tooruk:

<https://ufm.dk/uddannelse/ankendelse-og-dokumentation/dokumentation/kvalifikationsrammer/typer/hardtableview> – danskisuinnaq allaqqavoq.




7. Naalakkersuisut suna pitsaanerpaajusoraat:

- Bacheloritut ilinniarnert tamarmik, qanorluunniit siunissami suliffissanik pisariaqartitsisoqartigaluarpat, ilisimatusarnermik tunngavilimmik siunertaq naleqqussarneqassasoq – siunertaq, atorfinissutaasinnaasumik bacheloritut ilinniarneq ilisimatusarfimmi aallartinneqanngikkallarmalli aalajangersarneqartoq, imaluunniit
- Ilinniartitsisutut ilinniartut ilinniartitsisunngorlaallu pisariaqartitsineramik oqaatigisaat malillugu suliffissornerusumik aamma ilinniarnermut tunnganerusumik bacheloritut ilinniartitsisinnaanermut ilisimatusarfik tunngavissinneqassasoq? (ima paasillugu, qangatut ilinniarnermut taamatuttaarlu professionshøjskoletut ilisimatusarfimmi ilinniarneq kalaallit nunaanni inuiaqatigiinnut naleqqussarneqassasoq.)

Ataatsimiititaliap Naalakkersuisut kalaallisut danskisullu akissutissat tiginissaat qilanaaraat. Akissutit qarasaasiakkut nassiateqquneqarput uunga [ina@ina.gl](mailto:ina@ina.gl) assilineralu ataatsimiititaliap allattaanut nassiullugu uunga [rfr@ina.gl](mailto:rfr@ina.gl).

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititaliap siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut

**UPA 2019/199, UPA 2019/200 aamma UPA 2019/201-imut tunngatillugu allakkatigut apeqqutigineqartut akineqarnerat**

Naalakkersuisut ataatsimiititaliap apeqqutigisaanut 9. aprilimeersunut qujapput, taakkulu matumuuna akineqassapput.

25-04-2019  
Sulap nr. 2017 - 5069  
Allakkat nr. 10532282

Postboks 1029  
3900 Nuuk  
Oqarasuaat : +299 34 50 00  
Email: ikiin@nanoq.gl  
www.nanoq.gl

**1. Akissut nr. 1-imi atuarneqarsinnaavoq "Ilisimatusarfik suleriaaseqarnissamut kiffaangissuseqarnerisooq" "Ilisimatusarnissamut kiffaangissuseqarnermut ilaammat". Naalakkersuisut qinnuigineqarput "suleriaaseqarnissamut kiffaangissuseqarneq" aamma "suleriaaseqarnissamut kiffaangissuseqarneq" nassuiaqqullugit.**

**a. Siunnersuummi "suleriaaseqarnissamut kiffaangissuseqarnerup" peerneqarnerani aalajangersakkap oqaaseqatigiivini oqilisaaneq kisimi siunertaava?**

**Akissut:**

Taaguutip nalinginnaasumik atorneqartartup pineqarnera pissutigalugu ilisimatusarnissamut kiffaangissuseq siunnersuummi nassuiarneqanngitsooq Naalakkersuisut aallaqqaasiullugu ilisimatitsissutigissavaat. Inatsisip oqaasertaani suleriaaseqarnissamut kiffaangissuseqarneq ilaangimmat taaguut nassuiarneqanngilaq. Aamma suleriaaseqarnissamut kiffaangissuseqarneq taaguutaavoq nalinginnaasumik atorneqartoq.

Taamaattumik Naalakkersuisut pissarsiffinni attuumassutilinni taaguutit atorneqartut nassuiarneqarneri aamma innersuussutigissavaat.

Ilisimatusarnissamut kiffaangissuseqarnerup nassuiaataa forskerportalen.dk-miitooq assersuutigineqarsinnaavoq: "Ilisimatusarnermi sammisamik toqqaasinnaanissamut, apeqquteqarnissamut, akissuteqarfiginissaanut, suleriaasissanut kiisalu isummat naammattumik uppernarsaatissaqanngikkallartut, angusat isumaliuutersuutillu saqqummiunnissaannut kiffaangissuseqarneq ilisimatusarnissamut kiffaangissuseqarnermi pingaarnertut pineqarput."

Aamma siunnersuummi § 21, imm. 3, imm. 1-imut aamma 2-mut innersuussisoqarpoq, tassani allassimavoq: "Instituttimi aqutsisoqarfiup suleqataasut ilisimatusarnermi periutisunik kiffaangissuseqarnerat mianeralugu suliassanik aalajangersimasunik isumaginnittussanngorlugit peqqusinnaavai. Ilisimatuutut sulisut ilisimatusarnissamut kiffaangissuseqarput, piffissamilu suliassanik pisussaaffiligaanngisaminni Ilisimatusarfiup ilisimatusarnissamut periusissiaanut sinaakkusiussap iluani kiffaangissuseqarlutik ilisimatusarlutik." Aalajangersakkamut matumunnga nassuiaatini

*ilaatigut tullinguuttut allassimapput: "Ilisimatuut ataasiakkaat nammineq atorfeqartitaaffimmik iluanni ilisimatusarnissamut kiffaangissuseqarput, atorfeqartitaanerup kinguneranik pisussaaffiit atuutsinneqarlutik. Taamaasilluni ilisimatuut ataasiakkaat ilisimatusarnermut periutsimik, ilisimatusariaatsimik kiisalu qulequttanik universitetip ilisimatusarnermut sinaakkusiussaasa iluanniittumik kiffaangissuseqarlutik toqqaasinnaapput."*

Ilisimatusarnissamut kiffaangissuseqarnermi suleriaaseqarnissamut kiffaangissuseqarneq ilaavoq.

Suleriaaseqarnissamut kiffaangissuseqarnerup nassuiaataa ordnet.dk-miittoq assersuutigineqarsinnaavoq: *"Aalajangersimasumik anguniagaqarneq angusaqarniarnerluunniit siunertaralugit pisumi tamatumani suleriaatsip pitsaanerpaap atornissaanut kiffaangissuseqarneq."*

Suleriaaseqarnissamut kiffaangissuseqarneq siunnersuummut nassuiaatini 26. februar 2019-imilu akissummi taaneqareersutut ilisimatusarnissamut kiffaangissuseqarnermut ilaavoq. Tamanna tunuliaqutaralugu suleriaaseqarnissamut kiffaangissuseqarnerup immikkut taaneqarnissaa pisariaqarsorineqanngilaq.

**2. Apeqquut nr. 4-mut tunngatillugu Naalackersuisut tunngavilersuutaat ataatsimiititaliamit amigaatigineqarpoq – Naalackersuisut qinnuigineqarput ilimaginninnerminnut pissutaasoq ilisimatitsissutigeqqullugu.**

**Akissut:**

Ilimaginninneq 21. december 2018-imi ataatsimiititaliap saaffiginnissutaani apeqquutit pingajuannut akissummut tunngaveqarpoq. Taamaattumik tassunga akissut innersuussutigineqarpoq.

**3. Apeqquut 17-imut akissut pillugu: qulaani pineqartut § 6, imm. 1-6 malillugit Lektorimik pitsaasumik naliliineq / lektorit atorfinnerup ilisimatusarfimmi aqutsinissamut kissaatigineqartut lektorit piginnaasat naammassappat?**

**Akissut:**

Rektorisut rektorilluunniit tullersortaatus atorfinnerup lektorisut nalilerneqartup piginnaasai naammangillat. Rektorinut rektorillu tullersortaannut ph.d.-tut ilinniarsimanissamik piumasaqaateqarnerup saniatigut Kalaallit Nunaanni pissutsinik ilisimasaqarnissamik, ilinniartitaanermut tunngasunik ilisimasaqarnissamik, aqutsisuunermik aammalu ilisimatusarnermi ilinniakkanilu avatangiisinik ineriartortitsinermik misilittagaqarnissamik kiisalu Ilisimatusarfiup suliaanik inuiaqatigiinnillu iliuuseqaqatigiittarneranik ilisimasaqarnissamik piumasaqaateqarpoq.

Taamatutaaq nammineq ilisimasanik ilinniartitsinermik misilittagaqarnissamik piumasaqaateqarneq pissutigalugu lektorit nalilerneqarsimasup institutimi immikkoortortamilu pisortamut piginnaasai naammangillat.

**4. "Atorfinissutaasinnaasumik bachelorit" aamma "bachelorit" - tamatumunnga ilanngullugit ilinniariaatsini assigiinngissutsit, suliffimmi sungiusartarneq il.il. nunarsuarmioqataanermi nunanilu avannarlerni qanoq isumaqartinneqarnermut Naalackersuisunut nassuiaqquneqarpoq.**

**Akissut:**

Nunani avannarlerni Danmarkimi taamaallaat "atorfinnut aalajangersimasunut bachelorit" ("professionsbachelor") atorneqartut tabelimi tullernguuttumi takutinneqarpoq. Nunani avannarlerni allani ilinniakkani bachelorisut taaneqartartut Danmarkimi professionsbachelorisut taaneqartarput. Ilinniakkanik akuersaaqatigiittoqarsimatillugu taava nunani avannarlerni allani Danmarkimi "atorfimmuut piginnaasatut" taaneqartartunut tunngatillugu bachelorisut ilinniakkani piumasaqaatit ilanngunneqarsimassapput.

"Professional bachelor" European Quality Frameworkimi (EQF) nassuiameqanngilaq. Tassa EQF aqutugalugu Europami kiisalu nunarsuarmi nunarpassuarni ilinniakkanik akuersaaqatigiittoqarsimatillugu, atorfimmuut aalajangersimasumut bachelorisut ilinniagaq Danmarkimi taamaallaat atorneqartarpoq, Danmarkilli avataani atorfimmuut aalajangersimasumut bachelorit bachelorisut nalinginnaasutut taaneqartarlutik.

Table 3. Overview of study programme structure

Country	Qualifications available	ECTS length
Denmark	Academy Profession degrees	90-150
	Professional Bachelor degrees	180-240*
	Bachelor's degree in Arts	180
	Bachelor's degree	180
	Master's degree in arts	120-180
	Master's degree	120
	PhD degree	180
Finland	Polytechnic Bachelor degree	210-240
	Bachelor Degree	180
	Polytechnic Masters Degree	90-120
	Master degree	120
	Doctoral degree	
Iceland	Bachelor degree	180-240
	Candidatus degrees	240-360
	postgraduate certificates	60
	Master degree	120
	PhD	180
Norway	One year programmes (årsstudium)	60**
	College candidate (only in certain study areas)	120**
	Bachelor degree	180-240
	Masters degree	120
	PhD	
Sweden	Higher Education Diploma	120
	Bachelor	180
	Master degree	60-120
	PhD	240

\* can also build on Academy Profession degrees.

\*\* can be a part of a Bachelor programme.

Najoqutaq: Higher Education in the Nordic Countries. Evaluation of the Nordic agreement on admission to higher education Suliarinnittut: Mari Elken, Elisabeth Hovdhaugen aamma Jannecke Wiers- Jenssen. Nordic Council of Ministers 2015. ISBN 978- 92- 893- 4053- 3 (PDF)

**5. "Atorfinissutaasinnaasumik bacheloritut" toqqaannartumik taamatut taaguute-qarunnaarpata Kalaalit Nunaanata avataani ilinniarsimasunik ilinniartitsinermut, peqqissaanermut il.il. bacheloritut ilinniarsimasunik siunissami sulisussarsiorsinnaaneq pillugu Naalakkersuisut qanoq eqqarsaasersuuteqarpat?**

**Akissut:**

Tamatumunnga ajornartorsiutaasinnaasunik soqanngitsoq Naalakkersuisut isumaqarput.

Peqqissaasut Kalaallit Nunaanni peqqissaasuunissamut akuersissuteqarfigineqartarput. Kalaallit Nunaata tamatumunnga nunat avannarliit akornanni ataatsimut isumaqatigiissutaannut ilaanera pissutigalugu akuersissut taanna qinnuteqarnikkut nunani avannarlerni allani atorpeqarsinnaavoq. Tassunga ilanngullugu Kalaallit Nunaanni peqqissaanermik ilinniakkap danskit taaguutaat "Bachelor i sygepleje", kalaallisut "Peqqissaasoq Bachelorinngorniarfik" tuluttullu "Bachelor of science in nursing" atorlugit ingerlanneqamera oqaatigineqarsinnaavoq. Ilinniakkami imarisat, ilikkagassatut anguniagassat il.il. allanngortinneqanngillat, naak ilinniagaq atorfinissutaasinnaasumik bachelorisut ilinniakkatut taaguuteqarunnaarsinneqaraluartoq.

Nunani avannarlerni arlalinni ilinniartitsisutut ilinniagaq kandidatitut ilinniagaavoq, tassa ilisimatusarfimmi ilinniagaq. Tamanna ilaatigut Finlandimi, Norgemi Islandimilu atuuppoq. Taamaattumik Kalaallit Nunaanni ilinniartitsisunngorniarfiup imarisai taakkuummata pingaarutillit, bachelorisut ilinniakkatut taagorneqarnera Naalakkersuisut ajornartorsiutitut isiginngilaat. Ilinniartitsisunngorniarfiup atorfinissutaasinnaasumik bachelorinngorniarfittut taaguuteqarunnaarnera bachelorinngorniarfittullu taaguuteqalersinneqarnera taamaallaat pissutigalugu ilinniartitsinerit sulianut tunngassutillit annikillisinneqassanngillat ilinniakkalluunniit sivilisussusaa sivikillisinneqassanani.

Nunamiit nunamut taaguutit allanngorartarneri pissutigalugit taaguutaa pingaaruteqanngitsoq paarlattuanilli ilinniakkatigut pissarsiarisat sammisatigullu imarisat pingaaruteqartut Naalakkersuisut isumaqarput.

**6. "Atorfinissutaasinnaasumik bacheloritut" ilinniarnert aamma "nalinginnaasumik bacheloritut" ilinniarnert immikkoortitaanerisa atorunnaarsinneqarnissaata siunnersuutigineqarnera ataatsimiititaliap tupigusuutigaa (§ 11, imm. 1 UPA2019/200-imi). Ataatsimiititaliap taamaasilluni paasivaa, danskit ilinniartitsinerimut ilisimatusarnermullu ministeeriaqarfiata Naalagaaffiup suliaa EQF pillugu suliaqartup bachelorit taakku assigiinngitsut marluk ersarissumik immikkoortikkai. Naalakkersuisut tamanna pillugu oqaaseqaqquneqarput.**

**Akissut:**

Taaguut "professionsbachelor" Kalaallit Nunaanni atorneqanngitsoq aallaqqaasiutigalugu ilisimatitsissutigineqassaaq. Paarlattuanik "atorfinissutaasinnaasumik bachelorit" ("professionsrettet bachelor") atorneqartarpoq. Ilisimatusarfik pillugu Inatsisartut inatsisaata nr. 19, 19. november 2007-imeersup maanna atuuttup akuerineqarnerani taaguutip taassuma atorneqarnissaa 2007-imi isumaqatigiissutigineqarpoq. Ilisimatusarnermut ingerlaqqiffiusumillu ilinniakkanut ataatsimut ingerlataqarfimmik pilersitsitsoqarnissaa siunertaralugu, piffissami tassani ilinniakkat ilisimatusarnermut tunnganerulissasut atorfinnut ilinniarnert sisamaasunit ingerlaannaq kissaatigineqarpoq, tamatumalu kingunerisaanik ilinniakkat taakkua sisamat ilisimatusarfimmut ataatsimut inissinneqarput. Siunnersuummik

siunertarineqartumut tunngatillugu inatsimmut atuuttumut nassuiaatini tullinguuttut allassimapput:

"Maanna Ilisimatusarfimmi ilinniartitaanerit aamma atorfinissutaasinnaasumik bacheloritut ilinniarnert suliamut aalajangersimasumut ilinniartinnit sisamaasuni Inerisaavimmilu ingerlanneqartartut qulaani pineqartut, katigunnerisa kiisalu Groenlandicap, Oqaasileriffiup, Naatsorsueqqissaartariup Nunattalu Toqqorsiviata Pinngortitaleriffiup eqqannguanut nuunnerisigut, ingerlaqqiffiusumik ilinniartitaanerit aamma Kalaallit Nunaanni Kalaallit Nunaallu pillugu ilisimatusarneq ilisimatusarnikkullu paasisat ingerlateqqinnerat qitiusumik nukittorsarneqassapput."

Taakkua saniatigut aamma oqaatigineqassaaq professionsbacheloritut ilinniagaq taamaallaat Danmarkimi ingerlanneqartarpat nunarsuullu sinnerani ilinniagaq taanna immikkut ittoq naleqquttuujunnaarpat, piffissap ingerlanerani ilinniakkap Danmarkimi aamma atorunnaariartorsinnaanera ilimagineqartariaqartoq. Taamaattumik nunatsinni bachelorip nunarsuarmi tamami piaarnerpaamik akuerineqarnissaa qulakkeerniarlugu Naalakkersuisut siunnersuut manna aqqutigalugu, kingunerisassat akisussaaffigalugit, nunani tamalaani ileqqusoq eqqussimavaat.

#### **7. Naalakkersuisut suna pitsaanerpaajusoraat:**

- ***Bacheloritut ilinniarnert tamamik, qanorluunniit siunissami suliffissanik pisariaqartitsisoqartigaluarpat, ilisimatusarnermik tunngavilimmik siunertaq naleqqussarneqassasoq siunertaq, atorfinissutaasinnaasumik bacheloritut ilinniarneq ilisimatusarfimmi aallartinneqanngikkallarmalli aalajangersarneqartoq, imaluunniit***
- ***Ilinniartitsisut ilinniartut ilinniartitsisunngorlaallu pisariaqartitsinermik oqaatigisaat malillugu suliffissornerusumik aamma ilinniarnermut tunnganerusumik bacheloritut ilinniartitsisinnaanermut ilisimatusarfik tunngavissinneqassasoq? (ima paasillugu, qangatut ilinniarnermut taamatuttaarlu professionshøjskoletut ilisimatusarfimmi ilinniarneq kalaallit nunaanni inuiaqatigiinnut naleqqussarneqassasoq.)***

#### **Akissut:**

Naalakkersuisut ilisimatusarnermik tunngaveqarnerup suliffissornerusumillu tunngaveqarnerup akornanni akerleriittoqarneranik takusaqarsinnaanngillat.

Nunarsuarmi pissusiulersut qiviassagaanni inuussutissarsiummik ilinniartut annertunerusumik annikinnerusumilluunniit atuagarsorlutik ukiuni pingasuni sisamani ilinniartut sammisat assigiinngitsut eqqarsaatigalugit ilisimatusarnermut tunngasunik sammisaqartarnissaanik piumasaqaataasartut annertusiartorput.

Inussiarnersumik inuulluaqqusillunga

  
Ane Lone Bagger



Ilisimatusarfik  
Rektori Gitte Adler Reimer  
[gitr@uni.gl](mailto:gitr@uni.gl) aamma  
Pisortaq Henriette Nolsøe Rosing  
[henr@uni.gl](mailto:henr@uni.gl)

Ulloq: 20-11-2018  
J.nr.: 01.39.01.03-00200

**UKA2018/199, UKA2018/200 aamma UKA2018/201 Qaffasinnerusumik ilinniartitaanerit aamma Ilisimatusarfik pillugit ataatsimiinnissamut qaaqqusissut**

Inatsisissatut siunnersuutit ukua pingasut UKA2018/199, UKA2018/200 aamma UKA2018/201 siullermeerneqarnerisa kingorna Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut innersuunneqarput suliareqqitassanngorlugit. Tusarniaanermi akissutit figunerisa kingorna, inatsisissatut siunnersuutit nassuiaatit inatsisillu oqaasertai misissoreerlugit siunnersuutit aappaasaaneernejarnissaat pingajussaaneernejarnissaallu UPA2019-imut kinguartinnaat ataatsimiititaliap Inatsisartut Siulittaasoqarfianut qinnutigisimavaa. Siulittaasoqarfiup tamanna akuerisimavaa.

Inatsisissatut siunnersuutit taamatut isikkoqartillugit akuerineqassappata, taakkunannga attorneqarumaartunut kingunerisassaasa suliaralugit misissorluarnissaa ataatsimiititaliap kissaatigisimavaa. Minnerunngitsumik ataatsimiititaliap pingaartippai:

- Ulluinnarni aqutsinermut naalackersuinikkut akuliuttannginnissaq
  - o Inatsisissatut siunnersuutit Ulluinnarni aqutsinermut naalackersuinikkut akuliuttannginnissamik ilumut annikillitsinersut.
- Ilisimatusarfiup kiffaanngissusaa ilisimatusarnermilu kiffaanngissusaa
  - o Ilisimatusarfiup ataqqisaanera nunani allani appassanersoq, ilimatsaanneqarpat naalackersuinikkut annertunerusumik akuleruttoqartartoq assersuutigalugu Naalackersuisut ilisimatusarnerit akuerissutigisassagaat aamma siulersuisunut ilaasortanik toqqaanermi innersuutinik peqqaartariaarullutik.
- Ilinniartitaanermi piumasaqaatit
  - o Ilinniartitaanermi ulluinnarni ingerlatsinermi piumasaqaatit aqutsisut qaffasissusaanni assigiinngitsuni kiisalu sulisussarsiornerni periarfissat Ph.D-mik piumasaqaat pisortanut tamanut atornejassasoq aalajangiunneqassappat.


Qulaani pineqartut pillugit ataatsimiititaliap Ilisimatusarfik ataatsimeeqatiseraa, tusarniaanermilu akissutiminik itisilerinissaanut Ilisimatusarfik periarfissillugu.

Ataatsimiititaliami ilaasortat amerlanerit Nuup avataani najugaqarmata, ataatsimiititaliap siunnersuutigisimavaa, ataatsimiinneq pissasoq tallimannorneq ulloq 30. november 2018 nal. 13.00-

15.00 Inatsisartut ataatsimiittarfianni "Erling Høegh"-imi. Piffissap taamaasinerani ataatsimiititaliami ilaasortat tamarmik suli nuummiissapput UKA2018-p naammassinerani.

Ulloq taanna Ilisimatusarfik periarfissaqassoq ataatsimiititaliap neriuutigaa. Qulaani pineqartunut apeqqutit, piffissaq siunnersuutaasoq pillugu, ataatsimiititaliap allattaa, Rikke Frederiksen, saaffigineqarsinnaavoq mailikkut [rfr@ina.gl](mailto:rfr@ina.gl), soorlu ataatsimiinnermi peqataanissamut nalunaarneq mailikkut tassuuna nalunaarutigineqarsinnaapput imaluunniit oqarasuaatikkut 346122.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq  
Inussiarnersumik inuulluaqqusillunga



Doris J. Jensen

Ataatsimiititaliap siulittaasua





Kalaallit Nunaanni Inuussutissarsiutinut  
Ilinniartit / Grønlands Brancheskoler  
[clb@ninuuk.gl](mailto:clb@ninuuk.gl)

Dato: 02-04-2019

J.nr.: 01.39.01.03-00200

**Qaffasinnerusumik ilinniartitaanerit pillugit inatsisissatut siunnersuut pillugu  
ataatsimiinnissamut qaaqqusissut (UPA2019/200+201)**

UKA2018-imi imm. 199, 200 aamma 201-ip siullermeerneqarnerisa kingorna taakku siunnersuutit pingasut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliassangorlugit innersuunneqarput. Siunnersuutit misissoreerlugit kiisalu ataatsimiititaliami sularereerlugit qaffasinnerusumik ilinniartitaanerit pillugit imm. 200 aamma imm. 201 pillugit Kalaallit Nunaanni Inuussutissarsiutinut Ilinniartit ataatsimeeqatiginiarlugit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliap qaaquai.

Ataatsimiititaliap siunnersuutit sunniutissai sukumiinerusumik oqaloqatigiissutigerusuppai ataatsimiinnermi ilaatigut makku:

- Ulluinnarni aqutsinermut naalakkersuinikkut akuliuttannginnissaq toqqaannartumik toqqaannanngitsumilluunniit Inuussutissarsiutinut Ilinniartit ingerlanneqarnerinut Naalakkersuisut sunniutaat
- Inuussutissarsiutinut Ilinniartit siulersuisuisa siunissami Inuussutissarsiutinut Ilinniartit sulineranni sunniuteqarnissamut periarfissaat

Tamatuma inatsisissatut siunnersuutip qaffasinnerusumik ilinniartitaanerit pillugit saniatigut pissutsit allat Kalaallit Nunaanni Inuussutissarsiutinut Ilinniartit naleqqussorisaat ataatsimiititaliap tusarusuppai.

Inatsisartut maannakkut nuummi upernaakkut 2019-imi ataatsimiimmata, ataatsimiititaliap siunnersuutigissavaa ataatsimiinneq pissasoq sisamangornermi ulloq 11. april 2019 nal. 10.00-10.55 Inatsisartuts ataatsimiittarfianni "Erling Høegh-imi".

Ataatsimiititaliap neriuutigaa, ullormi siunnersuutaasumi Kalaallit Nunaanni Inuussutissarsiutinut Ilinniartit piffissaliiumaartut taamatut ataatsimiinnissamut. Qulaani pineqartut pillugit apeqqutit, aamma piffissaq siunnersuutigineqartoq pillugu ataatsimiititaliap allattaanut Rikke Frederiksenimut saaffiginnissutaasinnaapput, mailikkut [rfr@ina.gl](mailto:rfr@ina.gl), soorlu peqataasinnaaneq mailikkut tassuuna nalunaarutigineqarsinnaapput imaluunniit oqarasuaatikku 346122-ikkut.

Kultureqarnermut, Ilinniartitaanermit, Ilisimatusarnermit Ilageeqarnermullu ataatsimiititaliaq  
sinnerlugu

Inussiarnersumik inuulluaqqusillunga



Mimi Karlsen

Ataatsimiititaliami siulittaasup tullia



Ilinniartitaanermut, Kultureqarnermut,  
Ilageeqarnermut Nunanullu Allanut  
Naalakkersuisoq

[ikin@nаноq.gl](mailto:ikin@nаноq.gl)

Ulloq: 13-05-2019

J.nr.: 01.39.01.03-00199

**Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit pingasunngornermi ulloq 15. maj nal. 17.00 ataatsimiittarfik "Erling Høeghimi" nukingiusamik siunersiorneqarnermut aggeqqusissut (Inatsisartut ataatsimiittarfianni ataatsimiinneq nal. 17.00 naammassisimangippat siunersiuineq inersuarmi ataatsimiinnerup naammassinerata kinguninngua aallartissaaq).**

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliap matumuuna Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq siunnersuutit UPA2019/199, 200 kiisalu 201 pillugit siunersiuinermit aggersarpar. Siunersiuinermit makku oqaluuserineqarnissaat ataatsimiititaliamit kissaatigineqarpoq:

- 1. Ataatsimiititaliap UPA2019/199-imut, 200-mut kiisalu 201-mut tunngatillugu kissaatai pillugit ataatsimiititaliamit ilisimatitsineq.**  
*(Ataatsimiititaliap inatsisissatut siunnersuutit tunngatillugu maannakkut kissaatigisai ataatsimiititaliap Siulittaasuaniit ataatsimiititaliaq sinnerlugu naatsumik nassuiaatigineqassapput).*
- 2. Ataatsimiititaliap UPA2019/199-imut, 200-mut kiisalu 201-mut tunngatillugu kissaatai pillugit Naalakkersuisup oqaaseqaatai.**

Imm. 1, suliarinninnermi allakkiamik siunnersuutit pineqartut taasissutissartaannut tunngatillugu ataatsimiititaliamit namminermit atorneqarsimasumik aallaaveqassaaq. Suliarinninnermi allakkiaq Naalakkersuisunut ilisimatitsissutit imm. 2-lu malillugu oqaaseqarfigisassanngorlugu siunersiuinermit aggeqqusissummut ilanngussatut ikkunneqarpoq.


Siunersiuinermit ataatsimiititaliap Naalakkersuisut oqaaseqaataanut malitsit apeqquteqartarnissaa naatsorsuutigineqassaaq, soorluttaaq ataatsimiititaliamut ilisimatitsissutit pineqartut pillugit Naalakkersuisumik oqaloqatigiinnissuteqarnissamut ataatsimiititaliaq piareersimasooq.

Ataatsimiititaliap Naalakkersuisumik siunersiuinerata Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisup ataatsimiititaliallu akornanni pingaarnersiuilluni tullerriaarinerit anguniakkallu pillugit naalakkersuineranut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu oqaaseqaatit siuliani kissaatigineqartut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: [ina@ina.gl](mailto:ina@ina.gl) kiisalu uunga assilinertalerlugu [rfr@ina.gl](mailto:rfr@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut tunniuteqquneqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq sinnerlugu

Inussiarnersumik



Doris J. Jensen

Ataatsimiititaliap Siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliamut

### **Allakkiaq, pillugit siunnersuutit UPA2019/199, 200 aamma 201**

Matumuuna Naalakkersuisut oqaaseqaataat ataatsimiititaliap kissaataanut UPA2019/199, 200 aamma 201-imut. Allakkiaq taamaallaat tunngasuvoq sammisanut ataatsimiititaliap allannguuteqartussatut siunnersuutigisaanut imaluunniit itigartitaanut.

22-05-2019  
Sagsnr. 2017 - 5069  
Dok. nr. 10771004

Postboks 1029  
3900 Nuuk  
Tlf: +299 34 50 00  
Email: ikiin@nanoq.gl  
www.nanoq.gl

### ***Siulersuisut - najugaqartuunissamut piumasagaat, ilaatigut siulittaasumut***

Naalakkersuisut nalilerpaat piumasagaateqarnikkut siulittaasup Kalaallit Nunaanni aalajangersimasumik najugaqartuunissaanik piffissami atuuffiusumi tamarmiusumi qularnaarneqassasoq siulittaasup inuiaqatigiinni kalaallini pissutsinut malinnaanissaa.

Naalakkersuisut suli tamanna pissusissamisoortutut isigaat, kisiannili tusarusussallugu ataatsimiititaliap tunngavilersuutaa piumasagaatip peerneqarnissaanut.

### ***Siulersuisut – Ilisimatusarfimmiit inassuteqaateqartitsineq***

Tassani innersuunneqarsinnaapput Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap 21. december 2018 apeqqutigisaanut akissutigineqartut. Tassani imaattut ersipput: "Naalakkersuisut taamaasillutik nalilerpaat pissusissamisoortoq susassaqtut arlaqtut assigiinngitsut isumasiorneqarnissaat, tamatumani aamma Ilisimatusarfik. Naalakkersuisut taamaattoq nalilerpaat pisariaqanngitsoq siunnersuummi namminerimi pisussaaffiliisoqassasoq Ilisimatusarfimmiit inassuteqaatinik pituttuisuunngitsumik piniartoqartarnissaanik, kisiannili ilutigisaanik pissusissamisoortillugu nalunaarneqassasoq erseqqissumik inassuteqaammik pineqartutut piniartoqartarsinnaasoq."

Naalakkersuisut taamaasillutik kissaatigaat susassaqtunik naleqquttunik arlaqtunik akulerussisoqartarsinnaasoq, Ilisimatusarfiup siulersuisuinut ilaasortassanik toqqaanissamut atatillugu. Allannguinnissamut siunnersuutigineqartumut tunuliaqutaasoq tassaangilaq Ilisimatusarfiup akulerunneqannginnissaa, kisiannili illuatungiusut susassaqtut arlaqtut tusarniarneqartarnissaat pineqarpoq. Inassuteqaataasorlu inatsisit atuuttut naapertorlugit pituttuisuunngimmat, Naalakkersuisut nalilinngilaat allannguutissatut siunnersuutigineqartoq annertunerusutigut allaanerusunik ileqqunik pilersitsissasoq.

Naalakkersuisut tamanna pissusissamisoortutut nalilerpaat, kisiannili soqutigissallugu ataatsimiititaliap aalajangersakkap allanngortinnissaanut tunngavilersuutai tusassallugit.

### ***Ph.d.-tut ilinniarmik piumasaqaat rektorimut/rektorip tullersortaanut***

Tamanna Naalakkersuisut pisariaqartutut isigaat Iisimatusarfimmi sammisatigut qaffasissumik inissisimanissap qulakkeernissaanut kiisalu Iisimatusarnerup suliffeqarfimmi tamarmiusumi tunngaveqartinnissaanut tamanna pisariaqartuusoq. Inuiaqatigiit piumasaraat ilinniartitsineq aamma Iisimatusarnej qaffasinnerpaamik pitsaassuseqassasoq. Taamaattumik piumasaqaataangilaq annertuallaartoq rektorip aamma rektorip tullersortaata taakkunani arlariinni piginnaasaqartuunissaat. Piumasaqaat tamanna aamma Iisimatusarfinni allani piumasarineqarpoq, pitsaassusissanik qularnaariniarnermi. Qaffasinnerusumik ilinniartitaanernut inatsisissatut siunnersuummi § 18-imi aalajangersarneqarpoq qaffasinnerusumik ilinniartitaanerit ataasiakkaat pitsaassusissanik qularnaarisassasut nunat tamalaat akornanni tunngaviit atuutuusut naapertorlugit. Tamanna naammassiniassallugu ajornartorsiutitaqarsinnaavoq, piumasaqaatinik aalajangersaasoqarsimanngippat, minnerpaamik pisortaasut Ph.d.-mik ilinniagaqarsimasuussasut. Piumasaqaallu soorluuna annertunerusutigit isornartorsiorneqarsimanngitsaq tusarniaanermi siunnersuummik, imaluunniit siunnersuutip siullermeerneqarnerani.

Tamatumanilu IA-p oqaatigaa inersuarmi siullermeerinermi piumasaqaat nalorninartortaqtartillugu, isumaqaramik tamatuma killilersorsinnaagaa maanimiunik pisortatut atorfinitsitsinnaaneq. Partii Naleraq aamma piumasaqaammik nalorninartortaqtartsivoq, erummatigineqarmat piffissap ikaarsaarfiusup ukiuni 10-nik sivilissusillip qaangiunnerani naammattunik najugaqavissunik taamatut ilinniagalinnik peqalersimassanersugut.

Demokraatit erseqqissaatigaat iluarisimaarnartutut, aammalu siunnersuut tamakkiisumik tapersorsitisk oqaatigalugulu piginnaasat pingaarnepaatut inissisimajuaannassasut. Atassutip aamma piumasaqaat ilalerpaa erseqqissaatigalugu alloriarneq nunat tamalaat akornanni annertussutsini ileqqussanut alloriarnerusoq pitsaasoq.

Naalakkersuisut tusarusussinnaavaat ataatsimiititaliap tunngavilersuutaa Ph.d.-mik piumasaqaat rektorip tullersortaanut atuutissanngitsaq, kisiannili tunngavilersuutit eqqaaneqareersut pissutigalugit tamanna ilalersinnaanagu.

### ***Pisortaasunut tamanut Ph.d.-mik piumasaqarneq***

Iisimatusarfinni akuerisaasuni tamani Kalaallit Nunaata avataaneersuni minnerpaatut piumasaqaataavoq ilinniartitsisunut aamma pisortanut Ph.d.-mik ilinniagaqarsimasuunissaq. Kalaallit Nunaata aamma Iisimatusarfiup nunat tamalaat akornanni piumasaqaatit naammassiniarunikkitt, taava ilinniartitsisut aamma pisortat tamarmik taamatut angusaqarsimasariaqarput. Siunnersuummili uani taamaallaat piumasaqaataavoq pisortaasut taamatut ilinniarsimasuussasut, ukiunillu qulinik piffissalliisoqarluni piumasaqaatip atortuulersinneqarnissaanut. Piffissamut ikaarsaarfimmut atatillugu siunnersuut ukiunik 10-nik sivilissusilik ilanngunneqarpoq Iisimatusarfimmit siunnersuut tunngavigalugu.

Piumasaqaateqartoqanngippat ph.d.-mik ilinniagaqarnissamik, taamaallaallu qaffasissusissamut aqqutissamik innersuussilluni, Ph.d.-mik anguniagaqarnissamik, kisiannili kandidatit nalingat akueralugu, tamanna inatsilerinermi isumaqassaaq taamaallaat piumasaqaataasoq kandidatiunissaq, taamalu malittarisassat atuuttut atuutiinnassallutik.

Naalackersuisut tusarusussavaat tunngavilersuutaasut Ph.d.-mik piumasaqaat atuutissanngitsoq instituttinut aamma immikkoortortani pisortanut, kisiannili maannakkut siuliani tunngavilersuutigineqartut naapertorlugit tamanna ilalersinnaanagu.

### ***Ilinniagartuut siunnersuisoqatigiivi – rektori peqataajunnaassaaq***

Inatsisit atuuttut naapertorlugit ilinniagartuut siunnersuisoqatigiivi suliani assigiinngitsuni rektorimut oqaaseqaateqartussaapput, taannalu inaarutaasumik aalajangiisussaalluni. Taamaattumik Naalackersuisut pissusissamisoortinngilaat rektorip ilinniagartuut siunnersuisoqatigiivini issiaqataanissaa. Taarsiullugu siunnersuutigineqarpoq rektori, rektorip tullersortaa aamma Ilisimatusarfimmi pisortaq alaatsinaattut ataatsimiinnermi najuuttassasut, tamanna ilinniagartuut siunnersuisoqatigiiaanniit pissusissamisoortinneqaraangat. Taamatut aaqquissuusinikkut rektori sulii akulerunneqartarsinnaavoq aammalu ilisimatinneqartarsinnaalluni maanna inatsisini atuuttuni aalajangersakkani pineqartutulli.

Naalackersuisut sulii tamanna pissusissamisoortutut isigaat, kisiannili ataatsimiititaliap aalajangersakkamut tapersersuinnginneranut tunngavilersuutai tusarusussallugit.

### ***Taxameteri atorlugu tapiissuteqartarnermik eqquassinissamut periarfissat***

Ataatsimiititaliap 21. december 2018 apeqqutigisaanut akissut tassani imaattut ersipput: "Kalaallit Nunaanni inuussutissarsiutitigut ilinniartitaanerni tapiissutit ilaat taxameteri najoqqutaralugu tapiissutit tunniunneqartarput. Atuarfiit namminneq kontumik pingaamermik najoqqutassaqarput, taakkunanilu ingerlatsinermut aningaasaliissutit takuneqarsinnaallutik. Tamatuma saniatigut atuarfiit suliniutigineqartut aallaavigalugit tapiissutinik tunineqartarput, taakkualu atuarfiup sammisaanut piumasaqaatit tigussaasut tunngavigalugit (sammisaq akigititartu) aningaasaliissutit inatsisitigut pisussaaffiusut aqqutigalugit tunniunneqartarlutik, takuuk 40.91.31, Suliniutit aallaavigalugit tapiissutit (Aningaasaliissutit inatsisitigut pisussaaffiusut). Taamaammatt taxameteri najoqqutaralugu tapiissutinik tunniussisarnermik Naalackersuisut ajunngitsumik misilittagaqarput."

Naalackersuisut isumaqarput ajunngitsunik periarfissaqartoq tapiissutit ilaasa taxameteri atorlugu tapiissutit tunniunneqartarnissaannut. Ineriartortitsinermut isumaqatigiissummik suliqaarnermut atatillugu tamanna qiimmassaataasinnaavoq suliassaqarfinni arlaqartuni ineriartortitsinissamut. Periarfissaassanngippat tapiissutit ilaasa taxameteri atorlugu tapiissutit tunniunneqartarnissaannut, ineriartortitsinermut isumaqatigiissutitip sunniutissaasa ilai annikinnerulissapput, Ilisimatusarfiup ineriartortinneqarnissaanut aningaasaqarnikkut kaammattuutissat ilaat annikinnerulissammata.

Tusarniaanermut atatillugu isorinnittumik oqaaseqaataasunut atatillugu innersuunneqarsinnaapput tusarniaanermi akissutinut oqaaseqaatini nalunaarneqartut: "Aallarniutigalugu eqqaaneqassaaq pineqarmat aalajangersagaq "sinnaavoq", taamaattumillu piumasaaqateqarani aningaasaliissutit ilaasa taxameterimik tapiissuteqartarnikkut pisamissaanut. Tamatumunngalu atatillugu eqqaaneqassaaq tapiissutit ilaannaat taxameteri atorlugu tapiissutitut tunniunneqarsinnaammata, aammalu ilinniartitaanerit ilaanni amerlasuuni isumaqarnaviarani taxameteri atorlugu tapiissuteqartarnissaq, ilinniagaqartussatut tunngaviusut ikinneri pissutigalugit, soorlu tusarniaanermut akissummi nalunaarneqartoq."

Naalakkersuisut tusarusussavaat ataatsimiititaliap tunngavilersuutai aalajangersakkamik tapersersuinnginnermut, kisiannili tunngaviusut eqqaaneqartut aallaavigalugit tamanna ilalersinnaanagu.

#### ***Atorfinissutaasinnaasumik bachelor – taaguutip atorunnaarsinnissaa***

Naalakkersuisut malugeqqussavaat ataatsimiititaliap ilassutitut apeqqutaanut 9. april 2019-imeersumut akissutaasut, tassani ilaatigut ersimmat:

"Taaguut "professionsbachelor" Kalaallit Nunaanni atorineqanngitsaq aallaqqaasiutigalugu ilisimatitsissutigineqassaaq. Paarlattuanik "atorfinissutaasinnaasumik bachelor" atorineqarpoq. Ilisimatusarfik pillugu Inatsisartut inatsisaata nr. 19, 19. november 2007-imeersup maanna atuuttup akuerineqarnerani taaguutip taassuma atorineqarnissaa 2007-imi isumaqatigiissutigineqarpoq. Ilisimatusarnermut qaffasinnerusumillu ilinniakkanut ataatsimut ingerlataqarfimmik pilersitsisoqarnissaa siunertaralugu, piffissami tassani ilinniakkat ilisimatusarnermut tunnganerulissasut atorfinissutaasinnaasumik ilinniarfinnut sisamaasunit ingerlanneqarnissaa aalajangersameqarpoq, tamatumalu kingunerisaanik ilinniakkat taakkua sisamat ilisimatusarfimmuut ataatsimut inissinneqarput. Siunnersuummik siunertarineqartumut tunngatillugu inatsimmuut atuuttumut nassuiaatini tullinnguuttut allassimapput:

*"Maanna ilisimatusarfimmi ilinniartitaanerit aamma atorfinissutaasinnaasumik bacheloritut ilinniarterit suliamut aalajangersimasumut ilinniarfinni sisamaasuni Inerisaavimmilu ingerlanneqartartut qulaani pineqartut, katigunnerisa kiisalu Groenlandicap, Oqaasileriffiup, Naatsorsueqqissaartarfiup Nunattalu Toqqorsiviata Pinngortitaleriffiup eqqannguanut nuunnerisigut, ingerlaqqiffiusumik ilinniartitaanerit aamma Kalaallit Nunaanni Kalaallit Nunaallu pillugu ilisimatusarneq ilisimatusamikkullu paasisat ingerlateqqinnerat qitiusumik nukittorsameqassapput."*

Taakkua saniatigut aamma oqaatigineqassaaq professionsbachelorisut ilinniagaq taamaallaat Danmarkimi ingerlanneqartarpat nunarsuullu sinnerani ilinniagaq taanna immikkut ittoq naleqquttuujunnaarpat, piffissap ingerlanerani ilinniakkap Danmarkimi aamma atorunnaariartorsinnaanera ilimagineqartariaqartoq. Taamaattumik nunatsinni bachelorip nunarsuarmi tamarmi piaarnerpaamik akuerineqarnissaa qulakkeerniarlugu Naalakkersuisut siunnersuut manna aqputtigalugu, kingunerisassat akisussaaffigalugit, nunani tamalaani ileqqusoq eqqussimavaat."



Naalakkersuisut nalilerpaat pissusissamisoormerussasoq taaguut atorfinissutaasinnaasumik bachelori kalaallit ilinniartitaanermik ingerlatsiviini atorneqassanngitsoq. Tamatumunnga atatillugu eqqaasitsissutigineqassaaq Ilisimatusarfik tusarniaanermut atatillugu nalunaarmat isumaqatigalugu immikkoortitsisoqannginnissaa atorfinissutaasinnaasumik bachelorimik aamma nalinginnaasumik bachelorimik. Ilisimatusarfiup qaffasinnerusumik ilinniagaqartarnermut inatsisissatut siunnersuutip tusarniaassutigineqarneranut atatillugu aamma oqaatigaa siunissamut isiginiarnerusoq immikkoortitsiunnaarnissaq.

Naalakkersuisut suli pissusissamisoortippaat immikkoortitsinerup atorunnaarsinnissaa, kisiannili tusarusussallugu ataatsimiititaliap tamatumunnga tapersersuinnginnerminut tunngavilersuutaa.

#### ***Nunani allani najugaqartarneq – bachelorinut piunasaqaatit***

Ilisimatusarfik ataasiinnaq, aammalu nunatta avinngarusimanera kulturikkullu inissisimanera isiginiaraanni aarlerinaateqarpoq nunatsinni "ilinniagartuutut kulturi imminut mattuteqqasoq" ineriartorsinnaasoq, nunat tamalaat akornanni atugassarititaasut piunasaqaatillu malinnagit. Piffissap ingerlanerani tamatuma kingunerisinnaavaa Ilisimatusarfiup "mattuteqqanera". Ullumikkut periarfissaqarpoq Ilisimatusarfimmi allatsinnissaq aamma Ph.d.-mik angusaqarnissaq ilinniagartuunut avatangiisinik allanik misilittagaqarani. Nunani allani najugaqarneq ilinniagartuunngorniartunut ilinniakkani avatangiisinik ilinniarnerrillu ingerlanneranut misilittakkanik katersinissamut periarfissiisarput paasisimasaqartitsilersarlutillu, nunat allat assigiinngitsunik aaqquussineqartut ilinniagartuutullu naleqartitanik peqartut. Taamaasillunilu siunertaavoq ilinniagartuunngorniartut nukittorsarnissaat inersarnissaallu, aammalu nunatta avataaniit misilittagaqalernissaat, Kalaallit Nunaannut iluaqutaajumaartunik.

Tamatumunnga oqaatigineqassaaq immikkut akuersissuteqarsinnaanermut aalajangersakkamik ilanngussisoqarmat, pissutsinik immikkut ittunik atugassaqaarsinnaammat, ilinniagartuunngorniartup Kalaallit Nunaanni qimatsisinnaannginneranut pissutaasunik.

IA-p siullermeerineri innersuuppaa Ili Ili-p mianersoqqusissutaa, ajornartorsiuutitaqarmat bachelorinngorniartut ilinniagaqartut tamarmik nunani allani najugaqartarnissaat ilinniakkaminut atatillugu, ilinniartut ineqarfiinik amigaateqarneq ernummateqartitsisarmat.

Demokraatit oqaatigaaq immikkut nuannaarutigalugu inatsisitigut qularnaarneqarmat nunat tamalaat ilinniartitaaneranut nallersuuttumik ilinniartitaanernik aaqquussineq. Partii Naleraq aamma tapersiivoq nunani allani ilinniagaqartarnermut aalajangersakkanut.

Ajornartorsiummut ilinniartunut inissiat eqqarsaatigalugit ilinniagaqartunut nunatta avataaneersunut atatillugu eqqaaneqassaaq tamanna isiginiarneqarsimammat ilinniartut ineqarfii pillugit Inatsisartut inatsisissaattut siunnersuummi, naatsorsuutigineqartumi

UKA2019-imi saqqummiunneqartussatut. Aammali ileqqoqarpoq aaqqissuussamik tikeraatut ilinniagaqartunut ilinniartutut inissanik pissarsiortarnermut atatillugu.

Naalackersuisut tusarusussavaat ataatsimiititaliap tunngavilersuutai aalajangersakkamik tapersiinginnermut, kisiannili uani eqqaaneqartut tunngavigalugit tamanna ilalersinnaanagu.

### ***Ilinniagassanik aaqqissuussinerit – Naalackersuisunit akuerineqartarput***

Ilinniagassannik aaqqissuussineq malunnaatilimmik allannguuteqartinneqarpat, assersuutigalugu ilinniakkamut isernissamut piumasaqaatini, imaluunniit ilinniagaqartup ilinniakkamik naammassiguni piginnaanerisassaani, taava tamanna Ilisimatusarfiup avataani kinguneqarsinnaavoq. Naalackersuisut kissaatiginngilaat ilinniagassanik aaqqissuussinerit naalackersuinikkut aqunneqarnissaat, kisiannili siunnersuutikkut taamaallaat qulamaarniarlugu ilinniagassanik aaqqissuussinernik allannguinerit ilinniakkami figuneqartarnermi allannguinerik kinguneqassanngitsut, imaluunniit kandidatitut naammassisut piginnaanerini allannguissanngitsut, tamanna Ilisimatusarfimmit naliliivigineqanngitsumik.

Naalackersuisut suli pissusissamisoortutut isigaat ilinniagassanik aaqqissuussinerit akuerineqartarnissaat, kisiannili ataatsimiititaliaq tusarusullugu siunnersuummik tapersersuinnginnermut tunngavilersuutaat pillugit.

### ***Ilinniartitaanermut akitsuut – fagit ataasiakkaat aamma faginut aalajangersimasunut sammivilimmik pikkorissartitsinerit***

Assersuutigalugu inissanik inuttaqanngitsunik fagini peqarpat ilinniakkani pilersinneqareersuni, taava ilinniarfiup fagit taakkua neqeroorutigisinnaavai ilinniartitaanermullu akitsuummik tamatumunnga akiligassiilluni. Tamatuma pissusissamisoortutut isigineqarneranut tunuliaqutaavoq ilinniartitaanermut akiliuteqartitsisoqarsinnaammat, inuit ilinniagaqareersimasut, taanna inuiaqatigiinnut akilersissimallugu ilinniagaqarnersiuteqarlutillu, ilinniakkamik ingerlatseqqinnissamut akiliuteqartinneqarsinnaasariaqarmata ilinniagaqaqqinnissami ilinniakkami kissaatigisaminni. Nunatta karsiata ilinniagaq ataaseq akilereersimavaa, taakkualu suliffeqareersuusarput, imminnullu pilersorsinnaallutik.

Kiisalu faginut ataasiakkaanut atatillugu ilinniamertuunngorniarfimmi ilinniagaqarnermi piumasaqaataavoq, Ilinniamertuunngorniarfimmi ilinniartitsissutit ataasiakkaat, ilassutit ilinniarnertit imminnullu ilinniartittarneq pillugit Namminersorlutik Oqartussat nalunaarutaat nr. 27, 17. november 2016-imeersumi § 77, imm. 3 naapertorlugu, tassani ersimmat: "Ilinniartoq ilinniagaqarnissamik siunnerfeqarani ilinniartitsissutinik ataasiakkaanik ilassutitullu ilinniagassanik piginnaanngorsaataasumik ilinniagaqarusukkuni nammineerluni ilinniamerminut akiliuteqassaaq."


Tamatumalu saniatigut eqqaaneqarsinnaavoq ilinniarfiit pisinnaatitaammata ingerlatsisinnaanermut isertitsissutaasartunik suliaqarnertigut, Ilisimatusarfiullu neqeroorutigereermagit ilinniakkat akiliuteqarnikkut ingerlanneqartartut,

assersuutigalugu HD-mi immikkoortut aappaat, taamaattumillu akiliuteqartitsisarnikkut  
nammineq ingerlatsisarneq eqqumiitsortaqarani.

Naalakkersuisut suli tamanna pissusissamisoortut isigaat aalajangersakkani  
ilaasussatut, kisiannili ataatsimiititaliap isumaliutersuutai tamanna pillugu  
tusarusussallugit.

Inussiarnersumik inuulluaqqusilluta

Med venlig hilsen



Ane Lone Bagger